



天津交通銀行同  
人俱樂部圖書室

0

左文襄公奏稿卷六十一

光緒九年癸未六月訖十一月

目錄

籌撥江南防軍變通辦理摺

江南籌防用款實難預定額數摺

籌辦沿江陸路電綫片

創設漁團精挑水勇以資征防摺

敬籌南洋應辦邊務機宜摺

請 敕部會同內務府核減 傳辦衣料等項摺

淮軍統領公費懇仍照前奏酌加片

龍江等關仍請從緩開徵摺

奏稿卷六十一目錄

拏獲傳教匪徒分別懲辦摺

安徽婺源縣請建劉典專祠列入祀典片

各屬被災撥款撫恤摺

出省相度海口漁團事宜摺

保舉人材懇 敕吏兵兩部通融資格錄用摺

校閱漁團回省日期摺

夙恙難痊懇 恩開缺回籍調治仍力疾料理海防水利鹽

務事宜摺

經理兩淮鹽務著有微效摺

范隄工竣核實報銷摺



防守運河隄工出力人員請專案優獎摺

長江水師兵丁口糧請照原定章程作爲定額摺

江北巡船請仍准以募定弁勇管駕巡緝片

續獲教匪訊明分別定擬摺

教匪救平籌辦保甲團練在事出力各員請 予獎敘摺

淮北課釐擬暫免分攤全數提充復淮工用片

江陰勅建南菁書院動撥鹽票項下銀兩片

遵 旨布置海防并辦理漁團詳細情形摺

閩省船政局造船玩延諱飾請 旨申飭摺

遵 旨籌撥廣西軍火并籌解王德榜軍餉摺

奏稿卷六十一目錄

二

驗收水利工程及接續飭辦各情形摺

籌撥江南防軍變通辦理摺

光緒九年六月初二日

奏爲江南防軍實存人數已商定候撥而事勢又應變通敬籌辦法披瀝直陳請

敕下樞部諸臣悉心核議以憑遵奉施行伏候

聖裁事竊維法越交兵一事久塵

聖懷臣於四月初一日欽奉

密諭令兩廣雲南督撫妥籌備禦藉知法國使臣寶海前議分界

保護及保勝設關通商各條旋又中變法人攻破越南之南定勢

更狃

聖慮慮及滇粵壤地相接藩籬一撤後患方滋

奏稿卷六十一

特諭李鴻章赴廣東督辦越南事宜

諭臣悉心籌畫江南防軍何營堪備調撥臣比欽遵預籌派撥適

李鴻章馳抵江甯會商用兵事宜并將江南實存軍營人數三大

支告知李鴻章指撥唐定奎吳宏洛所統淮軍十五營已革道員

王詩正前福建布政使王德榜楚湘軍三五營淮軍見防江海要

地湘軍王德榜所帶舊部只二百餘人在朱家山修濬河道尚未

成營王詩正甫自湘鄉來接取眷屬前漕督臣招畱入幕尚未開

募維時山東教匪蔓竄海州沐陽安東桃源等縣及松江常州各

屬民情恟懼遷徙避匿非駐營彈壓不能清查保甲辦理團練以

遏亂萌而英德各國兵輪近復駛入海口越吳淞而赴鎮江徑抵

金陵雖緣通商之故志本無他而人情惶惑滋甚非水陸各軍妥爲鎮壓難免虛警江淮迤北各州縣積年私梟充斥伏莽堪虞近雖時和年豐漸次斂戢猶賴兵威鎮壓始免震驚茲聞法越交兵防營忽撤風謠四起臣前奏邊圉之鷹眼未化兵民之隱慝方滋蓋已預慮及此不謂其端已露於眉睫之前也臣雖知以大局爲重不敢擁重兵以自保危疆而忝任兩江兼轄南洋通商各海口亦何敢稍懷膜視置分內應辦之事爲緩圖其不得不以增竈爲填紮之用者以此幸舊部將領士卒聞警來歸者絡繹在途而會國藩胡林翼羅澤南王鑫李續賓所部得力將弁勇丁閒居已久於時投袂而起源源而來臣慮一時召致多營選擇未精難免濫

奏稿卷六十一

二

竽充數因檄委提督易致中於見帶新兵三營外增立一營名曰威營兩江題奏總兵粟龍山於見帶新兵二營外增立一營名曰仁營記名提督前借補甘肅永昌協副將劉端冕於見帶新湘三營外增立一營名曰禮營提督銜記名總兵易玉林於見帶督標左營額兵外增立一營名曰夏營記名提督前署湖北宜昌鎮總兵何紹彩管帶一營名曰銳營兩江補用總兵郝長慶管帶一營名曰先鋒營儘先副將鍾紫雲督帶一營名曰礮隊正營頭品頂帶記名提督熊有常管帶一營名曰礮隊副營仍歸鍾紫雲督帶以上共計八營均由臣軍營務處道員王加敏按名點驗閱看技藝然後起給正餉統歸親軍營務處道員李光久總統以一號令

而利分布李光久自帶舊部一營名曰毅營鈴東各營時加訓練通盤合計李鴻章擬調淮楚兩軍二十營所遺防壘皆屬要地茲僅以新募之九營填紮本覺不敷而餉事驟增九營之數已苦無從籌措幸賴

福比治水已著成效江流順軌積潦不至成災而海邦各相芘以安雖法人時猶虛聲囑喝而英德各國并未被其牽引近日英德兩國兵輪駛抵上海亦祇巡視通商各埠并無他意英總兵行提督事棟燮理船抵鎮江卽先發電信詢知願見始同英水師將官五人進署晉謁執禮甚恭臣款以茶果繼以酒饌卽感形於色以一見爲榮旋卽告辭回滬察其意態似無他志兩江經費出款以

奏稿卷六十一

三

治水防海兩者爲大宗本擬均於鹽票票費項下取給不挪動正款幸得卞寶第實心助理發張自牧之奸羣疑盡釋官引暢行可冀日有起色臣當殫誠竭慮慎以圖之一俟海防漸可就緒當就江南見存各軍營陸續裁撤數營以期兵歸實濟餉不外加庶兵則精益求精餉可節而又節而江南久安長治規模亦基於此矣謹據實恭摺陳明伏乞

皇太后

皇上聖鑒訓示謹 奏

軍機大臣奉

旨另有旨欽此

軍機大臣字寄光緒九年六月初十日奉

上諭左宗棠奏籌撥江南防軍變通辦理一摺覽奏已悉該督以李鴻章指調淮楚兩軍二十營所遺防壘均係要地蘇省各屬適有匪徒滋事因檄委提督易致中等增募九營填紮各處原爲海防緊要起見惟見在局勢不同李鴻章業已赴津淮楚各軍毋須調撥江南驟添多營餉項難籌自當從長計議著俟情形稍鬆卽將增募之營酌量裁撤以紓餉力將此由五百里諭令知之欽此

江南籌防用款實難預定額數摺

光緒九年六月初三日  
會江蘇巡撫衛榮光銜

奏爲江南籌防用款實難預定額數遵照部定新章分別查明先將各項用款造冊咨部以備查考恭摺仰祈

聖鑒事竊查江南籌辦江海防務創造洋式礮臺一切用款實用實銷業經<sup>臣</sup>等將截至光緒六年十二月底止用款并輪船薪糧等項截至七年三月底設立輪船支應所止收放數目分案奏准核銷在案正在接續造報聞接准上年十月部咨議奏各省報銷內外辦法第十四條各省設立機器局并閩省船政局購買輪船機器外洋槍礮電綫等件日新月異名目不一耗費尤多各輪船薪糧等項雖經定有章程而船料物件購自外洋并無繩墨可守

奏稿卷六十一

五

難免局員浮冒之弊應總計常年經費若干如有添購機器經費若干奏明報部立案方准核銷又第八條輪船馬力大小各項支款尙未議有章程每馬力必照實開報不得再有虛馬力名目致滋牽混應令核議定章奏明辦理其輪船報銷如係照閩廠定章支給及奏明有案均照章核銷外其有未經奏明者應令奏明後再行核銷各等因自係爲嚴防濫支杜絕弊端起見惟查江南籌辦江海防務創造洋式礮臺一切守臺各營與兵輪礮船操練及儲備緩急軍火物件或購自外洋或由上海金陵兩機器局造解撥濟并未另設專局製造至各臺安設洋礮平時責令弁勇測量命中勤加操練以期練習精熟裨益防務所需礮火藥彈各物不

任稍涉虛糜然實未能限以額數如外洋槍礮車輪架具均係機  
簧靈巧最易銹損一應銅鐵螺絲物件必須擦磨修飾整齊俾臨  
用可以自如利器不致棄廢江南兵輪各船馬力均係核實并無  
虛數配駕人等按照各船情形選募雖與閩廠定章名目人數略  
有不同然以一百八十八匹并六十六匹二十四匹馬力薪糧支數比較  
閩章一百五十四匹及八十四匹者科算均屬有減各該船出海操練  
經歷風濘固須時加修整而運解軍火糧餉遠涉重洋往返於驚  
濤駭浪之中器物損傷每出於意計之外故添換帆布繩索一切  
器物及開輪升火需用洋煤各項遲速多少俱無定數各礮臺濱  
江沿海終年風濤搏擊加之演試巨礮勁力猛烈雖根基堅固無

奏稿卷六十一

六

虞而護廊兵房藥庫牆垣及暗臺礮洞內外銅鐵木件間有損裂  
必當及時修理蓋江海設防一切規模仿之洋法應需料物皆係  
隨時隨事察酌辦理實用實銷非事前所能預料者部議總計長  
年經費實屬窒礙難行惟有自光緒九年正月起無論鉅細正雜  
用款及額支各項有無增減逐一註明於每三箇月彙開季報清  
冊先行送部備查然後仍按一年截清數目造具細冊奏咨核銷  
以昭核實據江南籌防局江甯布政使梁肇煌江蘇候補道陳鳴  
志查明會詳請奏并將光緒七年正月起至八年底止添建修理  
礮臺工程文武員弁夫役人等及兵輪礮船薪糧公費購買外洋  
軍火價值等項續支銀款註明增減數目遵先彙開清冊呈請分

咨前來<sub>臣</sub>等覆覈無異除將送到清冊先行分咨戶兵工三部暨  
總理衙門備查一面飭將支給細數趕緊清理另行分晰彙冊請  
銷外謹合詞恭摺具奏伏乞

皇太后

奏摺

皇上聖鑒敕部查照謹 奏

軍機大臣奉

旨該部知道欽此

籌辦沿江陸路電綫片

光緒九年六月初三日

再查由天津至上海蘇州鎮江甯清江以及江浙閩粵各省見皆次第舉辦陸路電綫均經奏奉

諭旨允准在案竊維電綫興自泰西無論水陸程途千萬里音信瞬息可通實於軍情商務大有裨益卽如法國之於越南俄國之於暹春日本之於朝鮮皆設電綫蓋有事呼應靈捷無事可使商賈故凡用兵要地通商碼頭彼族無不謀佔設電綫同治十二年丹國商人在滬設立電綫以達外洋本年英商卽以此藉口來滬爭設幸總理衙門堅持同治九年原議飭拆丹國所設上海旱綫咨行到臣當經飭飭江海關道邵友濂電報局道員盛宣懷洋務

奏稿卷六十一

八

局道員王之春一面向丹商辨論一面阻止英商勿遽添設往返爭論幾致穎禿昏焦始援中英約章將丹國已設吳淞至上海旱綫一道買回以保中國自主之權而英商遂無異議雖經臣嚴飭該道等堅持定論然非

天威震懾何能遽就範圍已將所立合同章程咨報總理衙門在案昨又有洋商議添設水綫由長江以達漢口雖經盛宣懷王之春竭力阻擋幸卽暫止然洋人狡詐嗜利未必遽作罷論臣維漢口居長江上游又爲各國通商口岸洋商既有添設長江水綫之議應由中國先行設立陸綫杜其狡謀所有一切經費仍由華商自籌并不動支正款除咨明安徽江西湖北各督撫轉飭所屬地

方官查照并飭總辦電報局道員盛宣懷督同委員工匠人等剋  
日趕緊興辦外應否

敕下總理衙門速咨江西湖北安徽各省一律舉行之處謹附片

陳明伏乞

聖鑒訓示謹 奏

軍機大臣奉

旨該衙門知道欽此

創設漁團精挑水勇以資征防摺

光緒九年六月二十七日會銜

奏爲籌辦海口防務創設漁團精挑內外洋熟悉水性勇丁以資征防期收實效恭摺馳陳仰祈

聖鑒事竊維江海防務以布置海口爲要蓋禦敵於庭除堂奧不若禦之藩籬之外其理易明也江東百水朝宗經流以江河爲大近年黃流北徙惟長江獨挾眾流東趨自江皖迤東貫江蘇全境至寶山崇明入海由崇寶溯流而上爲白茅沙再上爲江陰則向來江防之總要也是故白茅沙爲第二重門戶江陰爲第三重門戶而崇明濱海則第一重門戶番船經商往來必問途於此地居內洋之外外洋之內島嶼叢錯明險有石礁暗險有沙綫殆天所

奏稿卷六十一

十一

以限中外也崇明之民以漁獵爲業長其子孫良愿者操網罟完稅課黠而悍者流爲劫盜海上有事則通番受雇爲其引水導路近亦漸通西語熟西法勢將變夏而爲夷商輪船行抵海口輒覓其帶水由崇明至上海帶水一次給薪工銀五十兩官司不復過問兵輪船亦然故遠人航海數萬里由重洋入內地恍若舊游不以介意也漁船水手之膽略夙優能通方略者代不乏人從前福建提督施煇壯烈伯李長庚提督王得祿邱良功近如浙江海門鎮總兵貝錦泉陣亡記名總兵陳紹皆由漁船水手起家發名成業功在一時乃其最著者故求水師將才於今日其歷事久穩練有餘者固未可輕於廢棄其膽略可取才技出眾者尤當急爲拔

擢俾得及時自效共奮於功名之路不致終於淪逸徒資敵人驅遣致臨事有乏材之歎茲通計蘇松常太通海所屬川沙太倉鎮洋寶山崇明嘉定華亭金山奉賢南匯常熟昭文上海江陰靖江通州海州海門東臺鹽城贛榆阜甯二十二廳州縣漁戶水手共一萬數千人每百人中挑健壯三十名即可練壯丁四五千餘皆就近編入保甲二十二廳州縣每處擇適中之地設一團防局惟崇明地廣人多又浙閩廣東各漁人往來匯萃之所應設團防兩局每月各團壯丁操練二次每月壯丁之入操者不過二三日每名每日給口食錢一百文團總及教習甲長等按月酌給薪糧牌長甲長按操期給以口食免致枵腹從公以示體卹牌長甲長均

奏稿卷六十一

十一

先委員遴選賞給功牌俾資鈐束團丁中操練純熟能伏水泗水超躍採升技藝超羣者挑爲水勇優給口糧散入見有之艇船入團舢板船及仿造之蚊子船定造之兵輪船以廣登進庶幾以沿海水師人材用之水師用其所長士氣載揚軍威益曷豈獨緝私捕盜有裨時局已哉顧肇事之初船礮未備人材未集未敢輕於一試而拳拳在抱固未嘗釋諸懷也嗣聞升用副將署蘇州城守營參將劉光才熟習沿海情形饒有膽略因調省面詢一切據稱海口風勁沙活水道時有變遷南風起則沙壅北岸北風起則沙積南岸情形與白茅沙一帶相同漁戶生長其間預知其詳不待臨時測驗而知其然西賈護其資本遠人重其性命故凡商輪兵

輪皆不惜重價雇其引水也茲定設漁團應准漁戶照常安業仍可引水得雇直漁情適然而商貨亦不虞阻滯至外國兵輪駛入海口應令其停輪候驗漁戶引水與否遠人難以相強遇有觸礁擱淺之險漁人一身似葉何處不可求生遠人倉卒失措礮臺測準轟擊非棄船下腳划不能倖免也此爲海口第一重關鍵次則白茅沙次則江陰再進則圖山皆長江總要之地見正經營布置重疊設險自易爲功臣謹其言卽分別咨行詳細商榷茲據咨呈稟復前來僉謂此爲海防當務之急惟事同創始大費經營仍須通盤籌策以要其成計蘇松常大通海所屬二十二廳州縣一面查辦漁團一面挑選水勇非得廉勤樸幹之員分段設局整飭不

奏稿卷六十一

三

能一氣呵成常時地方官於漁戶水手皆膜視不理但知需索規費官得其一二而閤署之人及門印書差則分攫其八九故飭其造冊則藉故推延令其挑選則潦草塞責官與士民氣誼不孚文武情勢隔閡有警則束手坐視莫展一籌由來久矣茲雖飭劉光才辦理漁團并挑選水手用其所長自期得力然各廳州縣安常習故已久恐未能相率以聽牽掣堪虞應飭蘇松太道邵友濂督辦一切事宜俾各屬得有稟承以一事權而專督責惟邵友濂才具雖長但未會親歷行陣又爲職守所羈不能久駐海口擬委劉光才會辦遇事和衷共濟凡稟報咨札均道將會銜於體制攸宜局勢更整所有見在各廳州縣積習已深應遴委廉能耐勞人員

分段設局隨時巡察整飭以便聯絡而期實濟幸此次長江水利告竣已著成效就中派委尙不乏人臣惟悉心遴拔以期各盡所長見任各員如能相助爲理力圖振作自應一體獎勵查有藐玩營私情弊由該道將會稟參撤庶幾率作興事海防愈固免啟戒心於大局久遠之規更臻周備至所需經費每月不過萬餘兩除就地籌畫外已飭江甯江蘇兩藩司兩淮運司再於出款極力節省湊應要需羣情欣然雖竭蹶從事不敢不勉臣見飭劉光才及派定各委員赴各廳縣分段承辦外理合會同漕運總督臣楊昌濬江蘇巡撫臣衛榮光江南提督臣李朝斌合詞恭摺具奏伏祈皇太后

奏稿卷六十一

三

皇上聖鑒訓示施行謹 奏

軍機大臣奉

旨覽奏已悉卽著左宗棠督飭邵友濂等核實辦理務臻妥善期於實有裨益毋致滋生弊端欽此

敬籌南洋應辦邊務機宜摺

光緒九年七月十三日

奏為敬籌南洋應辦邊務機宜恭摺具陳仰祈

訓示遵行事竊法越交兵一事前奉三月二十五日

上諭法越交涉一事疊經諭令兩廣雲南督撫妥籌備禦法人前欲與中國會商該使寶海議分界保護及保勝設關通商各條旋又中變見聞法人攻破越之南定勢更猖獗越南積弱之邦被其蠶食難以圖存該國列在藩封不能不為保護且滇粵各省壤地相接儻藩籬一撤後患何可勝言本日已諭令李鴻章前赴廣東督辦越南事宜此時防務緊要必須厚集兵力進止足恃方可相機因應江南防軍何營堪備調撥著左宗棠悉心籌畫迅速奏聞

奏稿卷六十一

十四

欽此比即密示在事諸將領欽仰

朝廷保大字小之仁懷遠綏邊之義無微弗喻感頌攸同側聞泰

西諸邦亦靡不拭目以觀共幸

德化之成也西報疊傳知非虛假不意續奉

諭旨局勢驟更臣與李鴻章責重洋防雖驟難仰測

高深不敢不懷遵辦理而法人更自鳴得意益彰虛聲以相搖撼

始猶有仍畱寶海以待轉圜之意繼則純任狡詐之脫利古矣始

則欲以西貢為屯兵之所繼則揚言進規廣東矣大致我愈俯則

彼愈仰我愈退則彼愈進固由夷性靡常毋亦議論紛紜無異教

孫升木適階之厲也見閱西報法人偪攻愈急越南王憂悸不堪

服毒自盡外患未平內亂復急越終不足圖存劉永福一本難支未知所屆越之淪亡固不足較惟法人得隴望蜀滇黔廣西邊患愈迫中國旰食方勤未敢置之不理臣任重南洋兼管七省海口尤屬義無可辭疊接各處函牘均以膜視越事於臣與李鴻章多責備之詞而臣反而求之於心終有未得不敢藉口

朝命未臨預思諉謝也適浙江台州匪首黃金滿爲浙軍所偏隻身來投彭玉麟彭玉麟許以免死詳批所具稟詞飭其齎赴浙江撫臣呈遞聞此案可銷王德榜自毋庸赴浙適奉

諭旨仍准由臣差遣臣卽委赴滇粵與越南交界處確探越南見在情形及劉永福下落以憑奏報而慎進止緣王德榜本廣東東

奏稿卷六十一

五

莞縣人遷居湖南江華移籍湖南甫閱三世東莞俗悍民強王姓族大丁繁雄其儕偶王德榜在江西隨臣軍轉戰浙閩勞績頗著由臣保擢福建臬司旋蒙

恩旨補授福建藩司隨臣入粵削平各縣劇寇巨匪復圍攻嘉應州殲除首逆僞康王汪海洋而髮逆之案始結事畢回籍讀書養親嗣聞臣奉

詔視師關隴乃募舊部一營度隴從征臣稔其英銳饒有膽智令兼統數營獨當一路復檄調出關歷戰有功詳諸奏牘前年調令率所部由哈密開赴張家口聽候調遣旋因海防晏然令移營

畿郊會治桑乾河桑乾順軌災區變爲上腴事竣假歸道出江南

適上游水利土工漸完石工未竟臣卽飭畱江南督其舊部專辦石工用其所長獲效甚捷事竣王德榜堅請回籍省墓臣以湖南永州與廣西毗連而所屬江華則與廣東接壤髮逆猖獗時粵東西莠民從亂如歸然凶鋒但能擾及湖北巨逆屢思招納親黨而消息中斷究不能越湖南一步者非賂秉章委用正紳王鑫等假以事權不克臻此至今餘威猶震厥後臣率湘楚各軍入粵討賊猶藉王鑫舊部及高連陞黃少春王德榜等由閩漳入粵合圍嘉應州亦盡賊而返潮嘉之人猶能言之比移督陝甘黃少春已赴浙江提督新任惟高連陞與王德榜相從度隴克著聲烈此次籌辦法越兵事論者僉稱越南瘴癘之區非北兵所宜惟廣東俗悍

奏稿卷六十一

六

民強自相聯絡好氣爭勝服習水土履險如夷又慣觀西人伎倆無稍忌畏黠者尤玩弄之臣在閩廠試造輪船以法員日意格爲監督暇談論各省民情風俗日意格獨以廣人變詐反覆最難駕馭爲慮其爲西人所忌如此若撫而用之未嘗不可制服西人惟粵人耦居相猜勢不相下又非派楚湘統領以兵法部勒之嚴明紀律不可茲由南洋出師助滇粵防邊而臣部會隨入粵立功者惟王德榜與粵人康國器存用之則楚粵之氣通而兵與糧餉似可無待外籌也臣於王德榜請假回籍之便飭其就近偵探并通籌一切明晰稟復聽候具奏請

旨竊以越南難與圖存劉永福未可深恃夫人皆能言之惟越若

不存剝牀以膚將成西南鉅患劉永福一失越南全境無與支持倘爲法人所用更貽滇粵之患事機紛乘閒不容髮及今爲之已苦其緩若再置之不理西南之禍豈有窮期如法人得逞泰西諸國羣豔滇南五金礦利勢必聯翩而來且

國威未揚各省伏莽亦將狡焉思逞道光末年林則徐獲譴時廣勇四散後遂麇集金田起事者一百八十餘人卒至流毒天下黨夥至數十百萬之多今年江南辦理海防而山東白蓮餘黨復形蠢動蔓延及楚豫地方外侮內患事每相因幸而任事之人多習戰陣不至束手若數年十數年之後人才日就凋謝樞部諸臣縱能奮發有爲竊恐搶攘不遑鞭策難加而大局將有難於設想者古

奏稿卷六十一

七

云一日縱敵數世之患是綢繆之不可不預也臣雖衰庸無似然每一思及輒有難安寢饋者擬俟王德榜確探法越情形稟報到時如必需用兵卽飭王德榜調募廣勇數營駐紮滇南粵西邊防要地相機而動屆時江南崇明寶山漁團水手亦必料理齊整鹽務河工亦已就緒江南諸務更可放心臣當於巡勘崇寶海防後率新募各營回湘繼進以赴戎機斷不敢置身局外致負

恩知也至餉需一切徒資兩江接濟搜索已頻萬無以應擬在廣東籌辦虛銜頂帶封典捐輸以期應手緣前年臣奉

恩旨調督兩江兼管南洋事務時曾接廣東正紳函籌辦捐餉臣以尙未履任未敢議及茲擬函詢諸紳未知能否續籌合併聲明

謹請

皇太后

皇上聖鑒訓示施行謹 奏

軍機大臣字寄光緒九年七月二十日奉

上諭左宗棠奏敬籌應辦邊務情形一摺覽奏均悉所稱防邊事宜擬飭王德榜偵探法越情形再飭調募廣勇數營駐紮滇南粵西邊界并在廣東捐輸籌餉等語自係爲防務尙未就緒起見惟見在滇粵邊界均有重兵扼紮布置尙屬周密疊經戶部於四川廣東等省籌給餉需已敷各營之用該督所籌募營籌款各節著聽候諭旨遵行將此由五百里諭令知之欽此

請 敕部會同內務府核減 傳辦衣料等項摺

光緒九年七月十三日

奏爲織造奉

旨傳辦衣料等項數繁費重司庫無款可籌遵照奏案請

旨敕下戶部會同內務府大加核減并指撥有著的款以便造報而免貽誤恭摺具陳仰祈

聖鑒事竊臣准江甯織造文琳咨准造辦處來文光緒九年五月初八日經總管太監李雙喜交傳活計單一紙內開

上用及

賞用各色龍袍褂蟒袍氅衣襯衣緊身大小卷江綢宮綢八絲緞五絲緞春綢縐綢湯綢線縐綢紡絲實地蘇地直徑地紗綾子等

奏稿卷六十一

五

項共二萬三千零五十五匹件於本年初八日呈

進等因經該織造照單酌估約需料工銀九十七萬餘兩咨臣核撥款項當經札司查明司庫有無可籌核議詳辦去後茲據江甯布政使梁肇煌詳稱江甯藩庫向係入不敷出屬徵只地扛蘆課襍稅錢糧以之抵放常年旂綠各營兵餉及歲撥永定河南河工需織造大運等銀暨一切年例應放各款不敷甚鉅是以兵餉歷奉戶部指撥淮運等庫協濟無如運庫同一支絀撥解寥寥而兵餉又係計授要需刻不可緩隨時移緩就急設法支應實已羅掘一空今此項傳辦各件估需銀九十七萬餘兩之多無米之炊勢成束手詳請示遵前來臣查江甯藩庫入不敷出係屬實情卽此

外各司局庫亦皆非充裕此項傳辦之件係屬

宮府要需苟可設法騰挪斷不敢稍存諉卸惟查自同治八年起前督臣馬新貽任內以來內惟十年間前督臣曾國藩任內恭辦穆宗毅皇帝大婚絲綢甯蘇兩織造原撥添撥共銀三十萬七千餘兩經部議准在於江海關應解部庫二四成洋稅內借動一半銀十五萬三千五百餘兩其不敷者復准其截留漕價等項銀七萬一千餘兩又十一年間前署督臣何璟任內傳辦

賞用緞綢銀兩先係四單并發合計銀數將及二百萬兩嗣邀恩停辦兩單尙有兩單應辦之件由司道各庫及江海關蘇滬各釐局合籌不敷者復由江西安徽兩省指款協撥此係恭辦

奏稿卷六十一

三

大婚典禮故動款爲鉅此外隨時奉

旨傳辦之件爲數僅七八九萬兩不等數目從無似此次之多者而同治十三年間戶部咨辦大緞二千匹需銀八萬兩經前督臣李宗義奏請分作兩年製辦奉

旨允准在案又光緒六年間部咨催解大緞一千五百匹經前署督臣吳元炳奏請緩辦復奉

旨允准在案誠以臣子之心無窮而財力之數有限凡此爲難之況固久在

聖明洞鑒之中并於同治十三年九月間准戶部咨海防經費緊要遵

旨通盤籌畫一摺內稱粵海關監督因造辦處劄令採買金兩共動用四成洋稅銀七十二萬餘兩又動撥四成洋稅辦買足色條金二千五百兩又兩江總督李宗義因淮安關承辦玉料動撥釐金銀二萬兩鹽釐銀三萬兩又內務府奏令閩浙川廣等省採買木料所需價值作正開銷以上各案俱係未經部核復奏准之件且非軍國緊要之需行令將已動用者籌款歸還未動用者聽候部撥并請

旨敕下各直省督撫將軍監督等凡丁漕稅釐等款查無戶部奏准行知給發之案不得任意挪用倘奉到別衙門奏撥案據而戶部尙未核復之件亦不得遽行撥給經此次奏准之後仍有朦混

奏稿卷六十一

奏撥迎合應付者卽由戶部奏明請

旨懲辦等因奉

旨依議欽此通行欽遵亦在案蓋上體

朝廷恭儉之德以節

國家度支之流用意至爲深遠今江甯織造奉

旨傳辦衣料等項數繁費重爲從前所稀有司庫無款可籌適值海防喫緊之時爲未經戶部核准之案臣未敢擅便相應請

旨敕下戶部會同內務府大加核減擇要先辦一二成所需料工

等銀并由部指撥各司道庫有著的款分籌解濟以便造報而免

貽誤理合恭摺具陳伏乞

皇太后

皇上聖鑒訓示謹 奏

軍機大臣奉

旨所有傳辦之件已經覈減由造辦處傳知矣欽此

奏稿卷六十一

三

淮軍統領公費懇仍照前奏酌加片

光緒九年七月十三日

再准戶部咨議駁酌加淮軍統領公費一片奉

旨依議欽此鈔錄原片恭錄

諭旨咨行遵辦前來查淮軍移防江南以後營中進款疊加核減統領辦公不敷之用惟資米價津貼而勇丁不無所累是以一律飭照時值扣算以恤其艱又慮無以恤統領之艱或至陽奉陰違仍啟日久暗中剋扣之弊故復於各統領原有薪費夫價外奏明分別酌加公費資其用度實以勵其潔清兩次欽奉

俞旨然較諸從前米價之贏餘已覺減薄幸各統領深明大義相率奉行軍情帖服臣竊喜彼此兩得其平不意復以此重煩部詰

奏稿卷六十一

三

也謂於淮軍有歧視之心固非臣之所忍出謂以統費爲市惠之舉亦非臣之所敢居臣惟知準理而行恩怨固兩非所任譬之一家之內士卒則子弟也統領則其父兄也子弟別宅分田幸已各得其所而歲時祭祀之費賓客酬酢之需仍其父兄獨任之於子弟無與也子弟鼓腹而嬉父兄仰屋以歎揆之情理不可謂平臣忝在各統領之上既責以厚其子弟而不稍恤其父兄於事理亦覺失平且定數甚少開支有時本擬於鹽票票費項下通融挹注可不至挪動正款業經兩次奏明奉

旨之案復以此區區者失信於將領士卒似亦非部臣省事之道也合無仰乞

鴻慈垂念各統領之艱及臣所以請加公之意

恩允統領淮軍銘武馬步十三營一哨福建提督唐定奎月加公費銀五百兩統帶淮軍武毅右軍五營提督吳宏洛月加公費銀三百兩其統帶慶字五營二哨提督曹德慶米價既隨眾核辦則公費自應隨眾照加并准月加公費銀三百兩均照原案分別自米價改照新章扣算之月起支以資辦公而昭大信此外各營不得援以爲例用示限制庶幾開誠許與上下同心微臣藉免朝令夕更之愆而戰事可期齊心勦力之效於大局實多裨益於部章亦無加損謹附片瀝陳伏乞

聖鑒訓示謹 奏

奏稿卷六十一

五

軍機大臣奉

旨著照所請該部知道欽此

龍江等關仍請從緩開徵摺

光緒九年七月十六日會江蘇巡撫衛榮光江甯織造文琳蘇州織造立

山

奏爲關稅尙難開徵擬請仍從緩辦以期有裨餉需恭摺瀝陳仰

祈

聖鑒事竊准戶部咨議復<sub>臣</sub>等會奏龍江等關展緩開徵一摺實

難照准等因奉

旨依議欽此查龍江西新濟墅各關停徵已及二十餘年以致一

切餉項大半取資釐金而近來物價昂貴商力艱難責令抽釐本

非所願卽返之<sub>臣</sub>等與民休息之隱亦非所安部<sub>臣</sub>疊次奏催意

在規復舊制苟可設法試辦則旣以開關符部<sub>臣</sub>之議卽期以免

奏稿卷六十一

五

釐慰商賈之心<sub>臣</sub>等何肯固避美名自取詬病惟疆吏責在籌餉

通盤籌畫若爲顧全餉項計目下實有萬難開關之勢敬爲我

皇太后

皇上陳之緣江甯之龍江西新兩關從前地段卽係見在金陵釐

局所屬之大勝關下關分局毗連處所金陵所設釐卡悉在沿江

一帶以大勝關爲首卡收數較鉅爲月供餉項所倚賴若釐稅并

徵商力實有未逮若開關裁釐餉項將何所資至蘇省之濟墅關

設於腹裏大宗貨物皆從上海出吳淞口徑達鎮江且內河船隻

多由太湖繞越并不行走濟關與安徽之蕪湖關設在臨江上下

必由之路不同而江蘇省奉撥京協各餉仍未見少見值江海防

務喫緊之時餉項一切尤屬異常繁重目下全賴釐金支應猶且入不敷出關稅額徵無幾釐金指撥甚鉅夫人而知之自洋票盛行奸商借洋商爲護符釐金已大費整頓所賴食毛踐土各發天良體

國家不得已之心勉爲輸納若開關以後仍復抽收釐金必至求免紛紛將以何辭相謝旣無以間執蚩蚩者之口適足以啟其鋌而走險之心若竟遽議裁釐餉項將於何出取民之道用其一而緩其二生財之道取其重而舍其輕前督臣及臣等非不知權宜之事難常率由之名可慕而躊躇卻顧迄今未敢舉行此中爲難情形想蒙

奏稿卷六十一

美

聖明洞鑒部臣嚴繩其誤餉之咎應令善擇籌餉之方臣等若勉強奉行置全局於不顧馴至飢卒嗷呼百爲廢隳斯時卽重治臣等以貽誤餉需之罪其如噬臍無及何臣等往返函商并與藩司等再四熟籌惟有籲懇

天恩恤商情而維時局

允准從緩復舊仍俟將來京外撥款稍鬆再由臣等體察情形奏明開辦似於

國計民生尙有裨益所有查明關稅尙難開徵仍請緩辦緣由謹合詞恭摺具陳伏乞

皇太后

皇上聖鑒訓示謹 奏

軍機大臣奉

旨著照所請戶部知道欽此

奏稿卷六十一

三

拏獲傳教匪徒分別懲辦摺

光緒九年八月十二日會漕運總督楊昌濬江蘇巡撫衛榮光銜

奏爲拏獲傳習邪教匪徒訊明分別擬擬懲辦恭摺仰祈

聖鑒事竊本年二月間山東教匪王覺一句煽海州沭陽安東桃

源一帶匪徒意圖起事先後拏獲晏儒棟等提省審辦前經臣於

三月二十五日會摺馳奏在案旋據淮揚鎮總兵章合才署淮揚

海道徐文達將晏儒棟等三犯稟解來省卽經札委江甯布政使

梁肇煌江南鹽巡道德壽督同江甯府知府趙佑宸詳細審訊茲

據該司道等提集各犯訊明議擬錄供具詳前來臣宗棠親提復

訊緣晏儒棟卽晏圓光華景沂崔華分隸沭陽清河二縣或算命

測字或游蕩度日均先未爲匪犯案先有在逃匪首山東人王覺

奏稿卷六十一

天

一卽王養浩倡立末後一著邪教名目傳徒惑眾沿及淮海一帶

光緒元年華景沂與在逃素識先從王覺一爲徒之張道符卽張

相如會遇張道符告以王覺一係古佛降生掌紋有古佛二字見

傳末後一著教修持長齋可免災害勸令入教并可傳徒賺錢華

景沂允從卽拜張道符爲師張道符給與三師條一紙圓明範格

偽書一本并傳授諸佛諸祖等句呪語華景沂給錢數百文不記

確數旋經轉勸陳明倫等五六人入教拜師給條不記年月先後

及各人姓名向每人賺得錢數百或一千文不等與張道符分用

光緒四年秋間張道符邀華景沂同至瓜埠地方找黃延齡欲刻

三易探原偽書華景沂時以子病回復張道符以刻書行善可保

子病等語相誘華景沂約明送到卽返與張道符偕抵瓜埠隨卽回家是年冬閒復與張道符遇見張道符告知因伊同往之勞已將姓名徑刊書內并索供應華景沂以力難屢次供應并見在教之人不講正理知非正道卽將前領三師條面向張道符燒燬交還圓明範格偽書言明開齋出教各散始終未與王覺一會面此華景沂拜師習教傳徒惑眾之實在情形也晏儒棟先在直隸白雲觀出家充當道士旋至清江算命測字光緒八年王覺一至晏儒棟處測字談論易理自稱古佛降生以掌紋古佛二字給看告知設教傳道勸令入教晏儒棟允從卽拜爲師王覺一授以一貫探原三易探原圓明範格三書并命供奉無極太極皇極三圖又

奏稿卷六十一

无

授諸佛諸祖等句呪語并給眾生名目晏儒棟并未給過錢文崔華先因患病許願每逢三六九月吃素俗名觀音齋曾至晏儒棟命攤算命相識是年秋閒不記日期詣晏儒棟命攤閒坐適王覺一亦至王覺一詢知崔華因病持齋當以入教包可病痊等語勸令改持長齋晏儒棟復從旁告知此係伊師令崔華亦稱爲師并向叩首崔華初不知爲拜師隨卽允從王覺一亦檢一貫探原等書給令依書行善崔華因不識字將書退還未收各散并懼習教犯法卽與晏儒棟等不復往還亦未改持長齋是年十月閒晏儒棟又與在逃素識之張道符會遇張道符詢知晏儒棟已拜王覺一爲師云伊拜師已久從乩壇上鈔有庚辰年書帖一紙密付查

閱又云王覺一推數如遇手有日月印紋之人可成大事與書帖句語符合王覺一將赴湖北一帶傳徒尋訪邀令同往晏儒棟將帖收藏因事未去九年春間張道符寄信與楊魯二姓等囑邀在逃吳駕仙與晏儒棟同往傳教王覺一又令吳駕仙轉告晏儒棟許升三品正恩名目晏儒棟仍以不能離身未去旋因地方文武查拏有與晏儒棟素識在逃之鄭杏元錢正元皆王覺一名下人先後至晏儒棟處囑令通信探聽消息晏儒棟卽告知外面風聲不好鄭杏元得信卽回錢正元又以欲赴海州探看道友多少人多卽行起事人少再向王覺一請示等語相告此晏儒棟傳習邪教爲匪黨探聽消息及崔華被誘拜師之實在情形也時經淮海

奏稿卷六十一

三

鎮道及地方文武各官訪聞先後將各犯拏獲訊供稟報臣宗棠批飭提解來省飭據司道督府節次研訊并經臣宗棠親提覆鞫供悉前情不諱案無遁飾應卽擬結查律載謀叛但共謀者不分首從皆斬又名例律載斷罪無正條引律比附定擬又例載傳習白陽等邪教習念荒誕不經呪語拜師傳徒惑眾爲從年未逾六十發回城給大小伯克及力能管束之回子爲奴各等語此案晏儒棟拜師入教明知逸犯王覺一等悖逆情形輒敢受囑探聽消息并向鄭杏元通知外面風聲不好實屬同惡相濟雖據供實無同謀情事未便輕縱所有晏儒棟一犯除傳習邪教罪止擬遣輕罪不議外擬請比依謀叛不分首從皆斬律擬斬立決臣宗棠於

訊明後飭將該犯先行正法仍傳首犯事地方懸竿示眾以彰國法而絕亂萌犯係比例問擬家屬邀免緣坐華景沂於三易探原僞書列名同閱訊被張道符冒列該犯先未知情且其書尙與刊布妖書有間惟該犯傳習邪教業經傳徒惑眾應按習教本例問擬華景沂擬請照傳習白陽等邪教拜師傅徒惑眾爲從改發回城給大小伯克及力能管束之回子爲奴例擬發回城給大小伯克及力能管束之回子爲奴仍照名例暫行監禁俟道路疏通再行發遣崔華因病持齋被誘稱師并未接收僞書且知畏懼卽與晏儒棟等絕不往來尙非安心習教應請酌擬枷號三箇月杖一百遞籍枷示滿日折責交保管束僞書案結銷燬此案續獲之

奏稿卷六十一

三

李保中等犯批飭淮揚海道提訊尙未審結應俟訊結并飭拏王覺一等獲日另行分別辦理除供摺咨部外所有拏獲傳習邪教匪徒訊明分別懲辦緣由謹合詞恭摺具奏伏乞

皇太后

皇上聖鑒訓示謹 奏

軍機大臣奉

旨刑部議奏欽此

安徽婺源縣請建劉典專祠列入祀典片

光緒九年八月十二日會銜

再前幫辦陝甘軍務通政使劉典於光緒五年經前督臣沈葆楨

奏奉

上諭准於安徽等省建立專祠在案因輾轉擇地迄未動工光緒八年六月間據婺源縣紳士潘國珍等公稟以劉典功績固在全皖而婺源一邑尤爲戰事得手之始基蓋固婺卽以固徽固徽卽爲平皖平浙張本請於婺源擇地建祠以伸崇報經臣飭司核議去後旋據署安徽靈璧縣知縣金士翹稟指房屋一所改建祠宇另由就地官紳籌捐修費已於本年六月間工竣據婺源縣知縣吳鶚稟請奏列祀典前來臣查劉典前在婺源各戰攻堅擣瑕屢挫逆氛奪據險之謀爲進軍之地厥後皖浙戰事乃有把握功烈爛然該紳士等籲請就地建祠遺愛在人足徵公道而艱難入手之戰地尤足以妥其靈該通政使與臣患難相從積勞而殞睠懷舊迹益用摧心合無仰懇

天恩俯准將劉典專祠列入婺源縣祀典由地方官春秋致祭以紀前績而順輿情謹會同安徽巡撫臣裕祿附片具陳伏乞

聖鑒訓示謹 奏

軍機大臣奉

旨著照所請該部知道欽此

各屬被災撥款撫恤摺

光緒九年八月二十六日會銜

奏爲各屬積潦爲災之後繼以風災先將撥款撫恤情形恭摺馳陳仰祈

聖鑒事竊上年夏水甚大各屬圩岸閒被衝決當經隨時撥款撫恤事後分派營勇大興工作修壩建閘種樹栽桑濬積淤開溝洫農田水利已有微效可觀詎本年入夏大雨時行臣率屬步禱雖旋見晴霽而已苦積潦爲災據清江浦揚州稟報今年湖水運河泛溢爲患較上年水勢盛漲時更高數尺玉碼頭誌椿水比上年尙增二尺有餘雖江水尙低并無頂託之患隄壩旣固水尙安流而洪澤湖及南運河水有漲無消伏汛尤異常洶湧照向來水誌

奏稿卷六十一

三

應開車邏壩疏銷積水而下河禾黍彌望青蔥收穫當在旬後農民惟恐啟壩期促盼如上年故事暫仍極力守護得搶割遲禾而上游寶應縣高郵州各處則急請啟壩以資宣洩運河隄工局兩淮運司孫翼謀署淮揚海道徐文達署常鎮道黃祖絡駐隄防護晝夜冒雨巡行會議啟壩則下河各縣晚稻無收守壩則高寶田廬胥付洪流且恐沿河災民性命莫保因一面通稟請示一面請臣楊昌濬就近親臨履勘迅速定議楊昌濬見水勢浩大洄漩衝擊形勢危險異常檢閱成案自同治六年以後未有水勢盛漲至一文六尺外者若不急籌宣洩恐將釀成巨患咨商到臣因決計先啟車邏壩以殺水勢七月十二日啟車邏壩而消水仍不見

速上游水勢則仍有增無減人情恟懼十六日復啟南關壩水乃漸定至七月二十四日始消水一尺九寸較啟壩定誌尙大一尺有餘舊隄均已被水漫過幸上年新修隄工堅固屹立眾流中尙未坍卸而隄脚亦閒有剝蝕徐文達等曉夜巡護冒雨盤旋泥淖中督諸員弁兵勇下土拋石急爲搶護倖保無虞下河農民得乘機併力搶穫遲稻登場固喜出望外而高寶一帶雖被此巨浸高田尙獲豐收卽低田撈收遺秉滯穗亦有成數猶爲不幸之幸乃七月二十二日暴雨烈風連宵達旦發屋拔木平地成渠沿江圩岸風潮所過吸溜當衝各處廬舍家具概付波臣人民困苦流離且有淹陷壓斃一家僅存數口者實堪憫惻臣與藩司梁肇煌鹽

奏稿卷六十一

三

巡道德壽等熟商若俟各州縣稟報到日方辦賑務猶覺其遲於災務鮮濟應先由司動撥庫款銀三千兩派員帶赴下游沿江一帶會同地方官隨宜散賑去後旋據常州府紳士直隸候補道盛宣懷等稟稱江南北如江都儀徵六合泰興丹徒等縣洲圩南以受衝而破北以受漫而潰籲請派員散賑臣核所稟情形以泰興縣爲最重復飭司委員帶銀二千兩前赴撫恤并令分別飛飭各地方官迅速辦賑復由撫臣飭司動銀五千兩派員帶赴丹陽等縣漕臣亦派員帶銀前往宿遷等處分投撫恤見據各州縣先後稟報者通州所屬之泰興縣衝決圩岸多處淹斃七十餘人常州府屬之靖江縣衝漫隄岸八十餘里淹沒田禾三十餘圖大小男

婦淹斃者八十餘口武進縣衝塌圩岸數十處衝倒廬舍二百餘間災黎約計數千人淹斃者二十餘口鎮江府屬之丹陽縣衝倒江岸八九十丈淹沒田畝二十餘村人畜淹斃不少丹徒縣沿江圩岸衝破者亦不下數十處此外則淮安府屬山陽阜甯清河安東鹽城桃源及海州之沐陽各縣被災輕重不等徐州府屬以碭山邳州宿遷爲重揚州府屬之江都縣亦據報田廬被淹太倉州屬之鎮洋縣棉稻損傷甚重此外各屬有無被水成災應需賑恤之處先後飭司分查舉辦其撫恤章程大約存者衣食亡者棺殮病者醫藥爲先一面搭蓋草棚暫資棲止一面趕緊修築圩岸以工代賑或藉保晚稻或補種襍糧兼防秋汛總期不令一夫失所

奏稿卷六十一

五

上慰

朝廷視民如傷之意臣來自田間素親稽事窮簷苦況知之頗深有受患尙輕而婦孺之生命已盡放賑僅緩一兩日而溝渠之餓莩遂多者蓋水災較旱災尤酷被害之處不但田廬漂沒無存卽日食亦因之頓盡親族同時被水乞貸無門鍋竈亦付洪流炊食無具中人之家尙且枵腹待盡況極貧戶口之不宿飽者乎若非委員攜帶銀米就地散賑實有難於設想者幸漕臣撫臣所見正同均於聞災後同時派員分途攜銀散賑先濟災民口食一面飭被災州縣動放積穀錢款或准截留解司之款先行按戶散放然後再由司陸續撥款接濟計被災雖酷所全尙多各屬遭風日期

與省城同僉稱爲近數十年來所未有地方官吏間有拘牽例案  
心存玩視藉詞委勘稟報稽延者業經嚴加訓飭限令刻日勘報  
如敢稍涉諱匿不能實心實力辦賑致災民不沾實惠者謹當擇  
尤參處以示懲警庶幾因循之吏治澆薄之人心因此而一振也  
除放賑情形及司庫動撥款項應由撫臣彙同具奏外所有各屬  
積潦爲災之後繼以風災先行撥款撫恤緣由理合會同漕運總  
督臣楊昌濬江蘇巡撫臣衛榮光恭摺馳陳伏乞

皇太后

皇上聖鑒訓示謹 奏

軍機大臣奉

奏稿卷六十一

美

旨覽奏各屬被災情形深堪憫惻卽著左宗棠等飭令各該地方  
官迅速勘報妥籌撫恤毋任災黎失所欽此

出省相度海口漁團事宜摺

光緒九年九月十九日

奏爲海口漁團辦有頭緒謹擬躬親相度以昭慎重而固海防恭摺馳陳仰祈

聖鑒事竊臣於海防一事久擬於海口設防而迄未得有要領嗣博訪周諮得悉大略因飭署蘇州撫標城守營參將劉光才先赴崇明寶山一帶察勘地勢情形并遴選水師人材就地籌度分別設立總分各局以盡土客各弁丁之長其紳士之公正曉事者亦併收錄立爲團總團佐以明統紀而資鈐束其因漁汛由廣東浙江而來崇明寶山及散處江海各廳州縣之能泅水鳧水緣桅施放槍礮者卽挑驗拔充水勇優給廩餼給予功牌頂帶有功則遞加保擢分別奏咨補署千把外額實官以資鼓舞而收江海水軍實效前已奏奉

奏稿卷六十一

三

諭旨核實辦理務臻妥善期於實有裨益毋致滋生弊端等因欽此疊據蘇松太道邵友濂參將劉光才等會稟羣情踴躍總分局已漸有規模惟事係創舉非親臨指示無以示準的而速觀厥成雖見屆冬令朔風戒寒凜冽倍常猶幸天氣晴和日午猶堪試演伏水泅水諸技卽衰病餘生左目久患雲翳障蔽漸近失明然目光猶可及數里之外非乘時親臨察驗不足以稍紓積悃慰羣情而昭慎重定於九月十九日乘坐兵輪船由瓜洲江陰直指崇明寶山停泊上海調閱各團歸途歷清江浦察看洪湖運河

地勢籌洩積潦務期一氣呵成俾安獨入海口之舊庶可規久遠而免橫溢爲災大約兼旬內外仍可回署所有總督日行事件除照例委藩司梁肇煌代拆代行外擬將督篆鹽印奏請

諭旨交江甯布政使梁肇煌護理以免行次往返蓋用之煩臣帶用南洋大臣關防拜發章疏并分別咨行各處文件可以隨時發遞無虞積壓緣梁肇煌才長心細隨同辦事已久熟悉本任情形必期無誤而臣按行各處一意籌度免案牘之勞形亦可稍資調理所有出省相度海口漁團事宜緣由謹具摺馳陳伏乞  
皇太后

皇上聖鑒訓示施行謹 奏

奏稿卷六十一

奏

軍機大臣奉

旨知道了欽此

保舉人材懇 敕吏兵兩部通融資格錄用摺

光緒九年九月十九日

奏爲保舉人材懇請

敕下吏兵兩部通融資格錄用期於吏治兵事克收實效恭摺仰  
祈

聖鑒事竊制治以文戡亂以武爲政首在得人則求才宜亟矣循  
資格以求之可免倖進之弊而美玉恥於炫采無由自獻其奇採  
虛譽以致之雖博好士之名而魚目每以混珠無以濟時局之用  
自非限以資格無以肅銓政而慎登庸亦非兼用薦舉無以拔殊  
尤而備時用從來世運之隆替繫乎人材之進退大抵然也顧言  
路氣類攸分見聞難確吏兵兩部司進退人材之柄旣拘於例案

奏稿卷六十一

三

而愛憎又不能無偏如是不肖者不必遽退所進者不必皆賢而  
士氣銷靡人材因之不振至知人尤貴善任廷臣縱虛懷好善能  
明而不能遠非責成督撫因材器使何能使長短各稱其任銖兩  
悉稱其施而懷才者不能各盡其才在所難免伏讀八年十一月  
二十八日

諭旨內而部院大臣外而督撫各有以人事君之義平時見聞所  
及有器識閎遠才守兼優之員素所深悉者著各舉所知出具切  
實考語秉公保薦不得瞻徇情面及徒採虛聲濫登薦牘等因欽  
此跪聆之下欽頌莫名如此而猶敢存蔽賢之心不但無以仰對  
朝廷亦且難安寤寐竊維兩江實人材薈萃之所雖武事非所素

優然自經戡定以後歷任督撫諸臣廣爲蒐採材傑翩翩繼出迥非昔比臣就其中詳加遴採得數人焉一爲江蘇試用同知三品銜道員用補同知缺後以知府補用湯紀尙係浙江蕭山縣人故大學士湯金釗之孫學有本源通知時事見署高郵州知州花翎同知銜遇缺前補知縣龔定瀛樸實勤明見辦賑撫事宜輿論孚洽運司孫翼謀准揚海道徐文達獎誦攸同漕督臣楊昌濬亦深相器重洵稱才守兼優湯紀尙係試用同知龔定瀛係補用知縣按照部例凡遇直隸州知州及知府各缺出須儘本班資深人員序補及委署亦然雖人地實在相宜或與部章不符亦難邀准而同知一官究屬閒曹冗秩又未足盡其所長應籲懇

奏稿卷六十一

早

天恩敕下吏部該兩員無論江蘇直隸州知州及知府知州知縣缺出分別准其先行試署如有政績再准請補此外不獲援照部臣稍與通融仍於向章無甚違背而真材不致沈抑得所藉手必有實效可觀可否之處伏候

聖裁狼山鎮總兵楊明海水師出身戰績卓著忠忱耿耿歷久弗渝氣概冲和軍情素附升用副將署蘇州城守營參將劉光才係湖南新甯縣人由陸路征戰著績疊帶重傷經各省督撫臣保獎隨赴江南挑入水軍熟悉江海洋務經歷任督臣先後保薦洊擢今職見委辦理江海漁團事宜規畫井井有條羣情翕服洵屬傑出之材應請

旨破格擢用以裨時局以上文武四員久經察實才守兼優均爲  
兩江特出之選謹據實特保敬備

朝廷擢用如無實效臣甘與同罰不敢諉卸伏候  
皇太后

皇上採擇施行謹 奏

軍機大臣奉

旨另有旨欽此

校閱漁團回省日期摺

光緒九年十月十七日

奏爲恭報

微臣

校閱漁團回省日期恭摺仰祈

聖鑒事

臣

於光緒九年九月十九日恭報出省校閱漁團日期

并擬將督篆鹽印奏請

諭旨交江甯布政使梁肇煌護理一摺於十月初九日由驛遞回原摺內開軍機大臣奉

旨知道了欽此

臣

此次由金陵展輪九月二十日抵靖江閱江陰

靖江漁團申刻抵通州閱通州海門漁團操演其緣桅放槍擡水泅水諸技均尙諳練二十一日早抵崇明調閱崇明漁團該弁丁等以口分微薄意頗觖望故違號令計共漁舟五十四隻緣桅者

奏稿卷六十一

聖

不過九名而泅水則麾之不前

臣

知其意在要索重值風不可開

比將會辦漁團參將劉光才申飭記過各團總團佐均停給功牌頂帶團丁概行撤銷以示薄懲未刻抵吳淞口閱劉光才所挑水

勇則精能過人緣桅採升極爲捷疾旋復躍下晒水如履平地兩

手在肩向上向空招搖并施放洋槍或搖旂招隊過江頃刻復晒水

上岸觀者靡不詫爲罕見適有洋行輪船經過亦拍手叫絕不知其何由而然也

臣

比令頒給賞犒功牌頂帶以示勸并飭另撥艇

船暫時分住開給水勇名糧候新造兵輪船到齊派撥此軍有成

則海外有截豪俊之士聞風而至以戰以守均確有把握矣見據

地方官稟報聞風爭赴者絡繹不絕

臣

仍飭總局精益求精酌加

汰補以成一律同時并調閱寶山川沙上海漁團均尙精實是夜泊舟上海二十二日調閱奉賢南匯常熟昭文太倉鎮洋華亭金山各團總團佐勉以忠義於操演純熟者獎進之技藝生疏者訓斥之其中能泗水鳧水及緣桅超躍施放槍礮者一經當場分別酌賞功牌銀牌印委及團總團佐則許以異時論功保獎無不歡欣鼓舞踴躍爭先察看士氣實爲可用二十三日勘驗新造水礮臺船隻并接見各國領事聞上海洋情近漸驕肆比聞臣至於租界搭架馬頭迎候接見較上次尤爲恭謹二十七日抵清江沿途察看運河東西隄工及南關新壩雙金閘各工與漕臣楊昌濬面商復准各節因湖河積水未消無從施工須俟水涸方能勘估除將見辦各事宜另行分摺具陳外臣卽於十月初三日回省一路浪平風利年穀均稱中稔銷路亦暢民氣歡騰足以上慰慈廑謹具摺馳陳伏乞

皇太后

皇上聖鑒訓示謹 奏

軍機大臣奉

旨知道了欽此

夙恙難痊懇 恩開缺回籍調治仍力疾料理海防水利鹽務事

宣摺光緒九年十月十七日

奏爲微臣夙恙難痊左目復患雲翳遮蔽漸有青盲右目流汁不

止不能辦事籲懇

慈恩俯准開缺回籍調治免致誤公暫仍力疾料理海防水利鹽

務事宜恭摺仰祈

聖鑒事竊臣前奏請

諭旨將督印鹽印交藩司護理轉瞬江湖運河諸水積潦漸消舊

岸顯露臣仍當親赴淮揚一帶覆勘雲梯關海口引淮復由故道

入海俾經流順軌眾水均有所歸冀保阜甯鹽城興化東臺泰興

奏稿卷六十一

四

通州如皋泰州八州縣民命田廬庶可爲江南永利臣此次巡閱

漁團在崇明十澁陡遇暴風舊患風痰諸證因之增劇而左目忽

爲雲翳障蔽漸致失明回省後梁肇煌仍將督鹽兩印委員齎送

到臣比卽祇領照常啟用惟目疾增劇每一料理文書睛痛汁流

較尋常尤爲難耐不得已姑從擱置隔宿卽積成堆塚檢校更難

而健忘益甚且遇有感觸憂悻頓增醫言肝脾火鬱心失所養病

根已深非悉心靜攝難期見效而年已七十有二氣血枯涸欲罷

不能幸海防早有布置添辦漁團益臻嚴密水利均著微效民食

既克更供各省災區賑糴之需鹽務銷路甚暢場竈垣池商民安

業各岸商販爭趨稅釐頓有起色差堪上慰

慈廛所有海防河工鹽務均有成效可觀容將詳細情形分摺開列清單恭呈

御覽以昭核實見因淮北運河經流漫溢拍岸盈隄底水更高於上年冬令深恐疏築失時明年春花秋稼仍苦積潦爲災不但歲收無望且新漲復增城邑田廬刻有其魚之懼昨晤漕臣楊昌濬談及盛漲時曾赴寶應高郵一帶察看水勢該處民居多在水中偶值西風驟起自忖無可趨避頃刻間將盡成魚鼈號泣之聲聞數百里情形慘切耳不忍聞事後言之猶爲色變臣擬卽日擇要興工因被淹各處積水未消一片汪洋軍民無從措手而各壩盡啟消水甚遲緣各處湖底淤墊已高瀦水皆滿盈科後進壅滯迂

奏稿卷六十一

呈

回不能徑達海口自黃流北徙淮水由雲梯關入海之口淤墊數十里而山東兗沂之水河南衛河之水均倒漾江北淮揚一帶見在高郵玉馬頭誌椿存水尙一丈二尺有奇較之常年盛漲時有增無減雖霜降以後循例撤防而印委官弁效用兵勇常川巡防未敢盡撤轉瞬冬防一過隄岸顯露卽須趕辦修築疏濬工程方免臨事周章緩不濟急竊維今歲大水之後繼以風災江南猶獲中稔者實緣范公隄馬棚灣及西隄上年修濬各工堅實耐久得免漫溢潰決裏下河一帶豆麥牽算均及中稔不但民食有資且可出其贏餘轉糶浙閩燕齊接濟賑務是則事豫則立成效昭然可觀者也熟察江南時務有關於

國計民生者惟引淮水仍歸雲梯關入海一著足以截斷眾流捍  
衛淮揚數州縣億萬生靈且可化災區爲腴壤而於江南鹽漕諸  
政及各省荒政均大有裨益特工煩費鉅不能藉資民力異時有  
無成效尙難預必以故任事之人莫敢執咎臣比飭委署淮揚海  
道徐文達徐州道程國熙署常鎮道黃祖絡隨帶海州分司運判  
徐紹垣等前往察勘地形切實估工詳細條議臣定於明年開春  
親臨相度一面帶同親軍各營按段察看先於淤墊之處開掘中  
泓引淮水經流入雲梯關一帶循獨行入海之舊俾山東河南諸  
水均有所歸不致氾濫爲災俟中泓開通後卽劃兩旁淤地責成  
親軍及各營分段挑濬按日課工以期潦盡淤消剋期蕆役民夫

奏稿卷六十一

吳

幫同鋤土用礮與各勇夫雜作給以工價聊分勇夫之勞庶可藉  
習工作嗣後歲修亦可得力屆時朱家山一帶工程告蕆壹意修  
濬淮揚迤北至雲梯關入海故道用其所長事無不舉所需經費  
仍取於皖北鹽釐課稅樽節支銷計尙資敷衍竊意此工告成去  
水之害得水之利從茲江南北禾稻徧野於漕運民食大有裨補  
積久蓋藏充裕治水之費亦可漸次減少而驅游手於隴畝徐收  
經正民興之效將視此矣臣俟督缺

簡放有員再畱三數月將海防水利鹽務三大端辦法詳悉告知  
庶率作興事遺緒堪尋而臣辭歸田里終此餘年於私懷亦可稍  
免遺憾伏冀

皇太后

皇上垂念臣衰病纏延加之目疾增劇難期痊愈不能辦事實在此情形

恩准開缺回籍調治則有生之日皆戴

德之年卽早填溝壑亦將矢圖報於他生耳伏枕哀鳴伏希

慈恩鑒宥謹專摺恭呈不勝惶悚之至伏祈

皇太后

皇上聖鑒訓示施行謹 奏

軍機大臣奉

旨覽奏目疾增劇殊深廛系該督威望素著見值籌辦海防之際

奏稿卷六十一

四

正資倚任所陳擬辦江南水利亦於民生大有關繫左宗棠著賞假兩箇月安心調理毋庸開缺欽此

經理兩淮鹽務著有微效摺

光緒九年十月十七日

奏爲兩淮鹽務經理年餘著有微效恭摺仰祈

聖鑒事竊江南財賦甲天下而兩淮課釐爲財賦所入一大宗運鹽足額則收課日增課增則餉裕固一定不易之理臣莅任後因新商盼望增引甚切部文屢催加引綦嚴先後奏請楚皖暨淮北加增額引本爲裕

國計順商情起見初不料川楚袒川之見未融文章梗議上瀆

宸聽欽奉

聖訓指示機宜敕令加費減引臣懍遵

諭旨將楚票十五萬引減爲三萬引皖票四萬二千餘引減爲一

奏稿卷六十一

巽

萬七千七百六十引楚則另招新商承辦皖則就原招之商歸併給運於舊引既無占礙於新引亦便轉輸商情悅服遐邇交孚本年儀棧場鹽到數既旺鄂湘西皖銷數較常年有增而南場應築之范隄甯屬應辦之水利皆屬工鉅款繁以及邊防緊餉黔省協餉海防軍火東河工需無不於課釐及新捐票費內騰挪接濟計自臣前年十二月接篆至今二十一箇月有餘約解過實銀五百數十萬兩比較前任自同治三年至今歲入均不過二百數十萬收至三百萬以上者不過偶一二年茲光緒八年收數已二百八十九萬餘兩所收票費一百三十餘萬兩尙不在內此南離已覩

微效之實在情形也容俟九年底截清再將出入細數繕呈

御覽至淮北受病之深其故有二一在鹽河自西壩至安東縣之傅家堰六十里河身高仰勢若建瓴一遇水淺則商人起駁之苦拋耗之多費重運遲累日加重一在垣鹽出場票販最重鹽色欲求上色而不可多得遂向池商暗中貼價名曰貼色甚至商夥句串賣放重斤臣察得情形飭先籌款將鹽河於今春挑濬深通本年霜清以後鹽艘暢行毫無阻滯全綱四十六萬引賴以早日運竣至貼色則暗增商本重斤則有占

國課復嚴申禁令并由運司轉飭分司親赴鹽場履驗遇犯必懲而後數十年之積弊始克埽除見復因皖豫水患燕齊浸灌淮北之私鹽來源頓減遂謀規復河南汝甯邊引以廣銷路裁除食岸

奏稿卷六十一

晃

賤售之鹽以杜浸佔運河以南復飭淮揚鎮就近添募巡勇扼要駐緝凡有益於淮北銷路者悉心推求嚴緝私梟不遺餘力而後淮北銷路漸復道光十一年之舊冀從此逐漸推行必期有暢無滯此鹽務起色確有成效可觀者也鹽務素稱利藪商販心志不齊不如其願卽造謠阻撓變幻離奇無所不至近則南北各商均無異說并將視爲世業請運源源仰承

聖謨廣運民商樂利均霑洵堪仰紆

慈廬固微臣始願所不及也所有兩淮鹽務著有微效緣由理合

恭摺具陳伏乞

皇太后

皇上聖鑒訓示謹 奏

軍機大臣奉

旨知道了欽此

奏稿卷六十一

五

范隄工竣核實報銷摺

光緒九年十月二十八日

奏爲范隄工竣核實開單奏報恭摺仰祈

聖鑒事竊淮南各場修築范隄於本年三月間臣親往查勘當將籌辦情形具奏聲明工竣開單奏報在案旋據各工員先後呈報工完經臣派委道員陳鳴志前往查驗自五月十八日起至二十日止周厯榭茶豐利角斜掘港等場共工長一萬一千七百八十餘丈又順驗小洋口石涵榭茶場稽隄高寬丈尺一律如式共用土方工料銀十萬五千五百九十五兩有奇內由道員胡光墉捐錢五萬串合銀三萬一千一百六十八兩一錢一分餘係動用淮南新商票費均屬實用實銷毫無虛糜謹開清單恭呈

奏稿卷六十一

至

御覽伏思淮南通泰兩屬各鹽場界在海濱地居窪下風潮之患歲或有之光緒七年泰屬新伍等場海水上漲猝遭奇災事後賑撫所傷已多今就范隄舊基擇要修復又於各場隄外廣建避潮墩座或增護隄或補殘缺或修涵洞或建壩座竭數月辛勞之力收百年利賴之功本年伏汛運河水勢洶湧爲厯屆所無兼之七月下旬又遇颶風驟雨沿江圩岸多有被衝之處而各場民竈獨處險得安已得新隄保護之益小洋口石涵爲通泰各州縣農田洩水要區全涵加砌高寬工程格外堅實裏下河本屆底水極大即將新修三孔齊放內水滔滔外洩是以運河水勢幾至漫隄而裏河低窪田畝竟未有一處被淹已得新涵宣洩之益成效昭著

萬竈歡呼督辦隄工署淮揚海道徐文達始終其事苦心經營在  
事文武員弁隨同該道於朔風炎日之中循行測度奔走不遑得  
將一萬數千丈險要隄工一律修築完整實屬異常出力可否容  
臣擇尤奏獎以示鼓勵之處出自

恩施除將收支數目造冊咨部外所有范隄工竣核實開單緣由  
理合恭摺具奏伏乞

皇太后

皇上聖鑒敕部查覈謹 奏

軍機大臣奉

旨該部知道單併發在事出力員弁准其擇尤保獎毋許冒濫欽

此

奏稿卷六十一

五

防守運河隄工出力人員請專案優獎摺

光緒九年十月二十八日會銜

奏爲本年大汛危險情形爲近數十年所未見工員防守異常出力實屬有裨時艱懇

恩准予專案給獎以示鼓勵而勸後來恭摺仰祈

聖鑒事竊臣抵任後疊經奏明飭令隄工局員將揚屬運河東西隄擇要興修加高培厚以資捍禦并本年伏秋大汛異常危險情形亦經漕臣疊次奏明在案緣揚屬運河東隄縣互二百餘里下河各州縣數百萬生靈命賦田廬悉資保障隄安與安隄危與危從前每屆伏秋大汛定例以高郵玉馬頭誌椿秋前入水一丈四尺秋後一丈二尺八寸爲度卽啟放車邏南新等壩以資宣洩乃

奏稿卷六十一

三

運河汎水極漲正下河田稻將熟之時若按誌啟壩洪流洶湧一片汪洋下河各州縣垂熟之禾稻未及收刈盡付波臣小民粒食無資

國家正供亦竭卽不然變計而力守之而各壩一日不啟卽運河水勢一日不洩隄身禦水之尺寸有定汎水之續漲難知設水勢疊加抑或西風暴起河水漫溢人力益窮此時下河不但田稻被淹并廬舍身家勢將共遭不測言念及此可爲寒心江南號稱財賦名邦實因下河產穀饒裕之故本年鄰境被災賑撫旣大費籌畫倘使下河再罹水患則毗連數省荒歉之區告糴無門全局所關尤非淺鮮痛定思痛至今猶覺凜然本屆運河水勢盛漲工情

異常危險臣接據隄工局司道隨時飛稟均勉以可守且守宜開再開不必拘泥成法嗣據報玉馬頭誌椿汛水秋後至一丈六尺四寸始啟車邏壩而水仍續長一寸并前至一丈六尺五寸接啟南關壩水勢始日消三數寸溯自歷屆防汛以來無有守至秋後一丈六尺餘寸俟下河田禾收割登場之後始遞啟壩座使壩下受水各州縣田畝毫不爲災而仍能轉歉爲豐者徧加諮訪實爲數十年所罕聞事後通盤統算所費不過二萬餘兩而所保全者則未可數計用費少而成功多似無有逾於此者當盛漲時一綫長隄出水尺餘以及數寸不等兼值狂風暴雨連宵達旦全隄震撼情形岌岌堪虞此時安危禍福之機間不容髮各員當黃昏以

奏稿卷六十一

藩

後冒雨巡防徹夜不寐盤旋泥淖之中督率在防員弁兵夫遇險卽搶直以軀命相搏雖巨浪噴薄拍岸衝隄而眾志成城不肯退後一寸較諸衝鋒突陣守壘登陣事殊功一在事兵勇防夫則立予犒賞委員汛弁許以事畢請給優獎以此感激奮興無不爭先用命卒能化險爲平各該員弁奮不顧身不無微勞可錄飭據該局司道等稟請核辦前來臣查本年水災之險繼以風災實數十年創見之事各員防守之所卽數十年未有之工幸仰託

朝廷福蔭得告安瀾各工員防守之勞實有不可任其掩抑者查定章河工兩屆安瀾由漕臣彙獎一次合無仰懇

天恩俯念本屆防汛工情危險與歷屆情形不同在事各員異常

出力可否由臣會同漕臣擇其尤爲出力者專案開單從優奏獎以示鼓勵出自逾格

鴻施至地方鹽務人員向章不准於河工列獎第河工人員不敷差遣事資熟手卽不能拘於成案且兩淮運司兼管下河水利是河工本與有責成而隄工局提調卽係兩淮候補運判見署海州分司運判徐紹垣該運判辦事勇往輿論素孚熟悉河工情形最爲出色相應懇

恩一併列獎以示鼓勵竊維捐例旣停以後部臣於請獎之案力持慎重名器之說分別綦嚴惟河工當情形萬緊時搶險巡護全資人力各工員趼踵奔赴喘息僅屬性命攸關勞苦實與戰陣無

奏稿卷六十一

壹

殊應懇

特恩俯加獎敘俾各奮於功名之路庶異時緩急用人得所藉手大局幸甚謹會同漕運總督臣楊昌濬江蘇巡撫臣衛榮光恭摺具奏伏乞

皇太后

皇上聖鑒訓示施行謹 奏

軍機大臣奉

旨准其擇尤保獎毋許冒濫欽此

長江水師兵丁口糧請照原定章程作爲定額摺

光緒九年十月二十八日會巡

閱長江水師前兵部右侍郎彭玉麟署湖廣總督卞寶第長江提督李成謀銜

奏爲長江水師兵丁口糧無可酌減請照原定章程作爲定額以卹兵艱而維眾志恭摺仰祈

聖鑒事竊臣等接准戶部咨飭將長江水師兵丁口糧銀兩酌擬

奏減以節經費等因卽經先後札行江南湖北兩鹽道會商各鎮營一體遵照去後茲據詳復前來臣等詳加察酌長江水師兵丁口糧實有無可酌減之勢謹爲我

皇太后

皇上陳之查長江兵書口糧銀兩原定槩兵書識每名月給二兩

奏稿卷六十一

奏

七錢礮兵頭兵三兩舵兵稿書三兩六錢雖較陸營守戰額餉相去有殊而與近年各省練軍口糧不甚優異祇緣當時創立營制安插此項水師各路軍務未竣無案可循殊難自定爲額故於所議條內聲明兵餉暫從其優將來軍務大定再行酌量核減著爲定額蓋當擬定章程之始卽存撙節餉項之心但使無拂軍情久思以漸議減旋經部議照准亦令比照陸營稍示優異使兵丁不致苦累庶可以勤操演而垂久遠等因可見陸營餉薄兵苦勢難枵腹從公部臣固已見及之際此庫款支絀復經部臣飭令酌減臣等身任籌餉之責目睹進款之難豈肯稍任虛糜不思勉符部議惟查長江五省除此經制水師外尙有見在畱防水陸各勇口

糧亦皆有加無減誠以足兵必先足食雖有智者不能吝錙銖之末使之舍軀命以報

朝廷今各省經制陸兵又復挑設練軍加給口糧若獨減此項水師口糧已不免相形見絀之歎望而長江五省水師縱橫萬里以船爲家例禁登岸陸居所有各兵丁應領之口糧凡贍身贍家者咸取給焉計自歸標分汛十餘年來兵皆恪遵教訓按日勤練漿舵槍礮陣勢近又遵

旨兼習陸戰洋槍藤牌刀矛雜技較之陸營練軍辛苦倍之而巡江會哨無閒風雨緝捕盜匪不避危險又與外海水師巡洋勞績相同若非口糧足資食用無須別營生業恐分心內顧卽訓練亦

奏稿卷六十一

五

屬空言豈能始終收此實效卽以外海水師而論臣成謀曾在福建考閩省經部核定餉章守兵月給餉米銀三兩戰兵月給三兩數錢水兵配船出洋每名日加巡洋口糧銀三分舵工另加炊糧銀兩體卹不爲不厚至於各省練軍口糧見係如何開支雖未准移知有案聞每月坐餉操糧合而計之皆比長江兵餉有多無少是并不得謂長江水師爲獨優矣且水師餉項章程向係扣發湘平兵丁關銀易錢統算所獲錢數每日實止一百數十文而近來物力艱難各省汛地柴米食用價值均苦騰貴計各兵僅能供給日用所謂贍養家口者已在不可知之數此第就各兵之苦言之也以大局論目下海防緊要江防實相爲表裏兼之伏莽未淨內

訖外侮節節堪虞所賴士卒同心藉資禦侮若因減餉而懈士心  
緩急卽有未足深恃之慮臣等再四斟酌意見相同合無仰懇  
天恩俯准將長江水師兵丁口糧卽照原章作爲定額以恤兵艱  
而重大局出自

鴻慈謹合詞恭摺具陳伏乞

皇太后

皇上聖鑒訓示再此摺因往返會商是以覆奏有稽合併陳明謹  
奏

軍機大臣奉

旨著照所請戶部知道欽此

奏稿卷六十一

奏

江北巡船請仍准以募定弁勇管駕巡緝片

光緒九年十月二十八日

再前因江北高寶邵伯一帶湖河相連盜梟充斥飭造飛划三十號挑選舊舳板八號選募弁勇分駐巡緝於光緒九年四月十四日附片奏明奉

旨知道了欽此欽遵在案嗣准戶部咨奏令於原存兵勇內選撥無庸另募等因當卽飭遵去後茲據江蘇防營支應局及營務處司道查明畱防水師各有巡防地段礙難抽撥會詳請奏前來臣查江北水程遼闊港汊紛歧素爲盜匪出沒之區而以高寶邵伯一帶爲尤甚致商船咸有戒心非得專營駐巡難資鎮攝故特設此項飛划舳板爲戢匪安商之用誠以禁暴詰奸古所不廢原非

奏稿卷六十一

五

專恃此項船勇遂置吏治於不講如部臣之所譏也部臣職司度

支固不能不爲餉項計惟是懋遷有無之業爲釐源所從出卽爲

國家餉源所由係但得安行無阻願出其途於餉項實裨益靡淺

而綜計長龍一號飛划二十九號舳板八號配設官弁勇丁五百

二十三員名月需薪糧二千二百九十兩爲數非鉅就江蘇情形

而言尙無不繼之患且內訌不作外侮方無從生心雖曰內河水

軍與海防實相爲表裏今若遵照部議於原存兵勇內選撥無論

淮揚水師前營及新後營分駐瓜洲口高郵州等處內河水師二

營由漕臣派駐清淮暨邵宿運河一帶各有巡防地段難以專顧

該兩處而每船所設之勇各有定額亦無多餘可以撥派且水師

重在住船操練若零星抽撥不成隊伍恐彼此人力俱薄將駕巡  
盡屬虛文於防務更大有窒礙合無仰懇

天恩俯照前請仍准以募定弁勇管駕巡緝毋庸於原存兵勇內  
選撥以期得力而免兩妨理合附片陳請伏乞

聖鑒訓示謹 奏

軍機大臣奉

旨著照所請該部知道欽此

續獲教匪訊明分別定擬摺

光緒九年十一月十一日會漕運總督楊昌濬江蘇巡撫衛榮光衙

奏為續獲傳習邪教匪徒飭訊明確分別按例定擬恭摺仰祈

聖鑒事竊本年二月間山東教匪王覺一句煽海沐安桃一帶匪

徒意圖起事先後拏獲晏儒棟等提省訊明分別按擬懲辦前經

臣等於八月十二日會摺具奏聲明續獲之李保中等犯批飭准

揚海道提訊俟訊結另行辦理在案茲據署淮揚海道徐文達提

訊李保中等五名訊明錄供分別議擬詳奏前來

臣等覆加察核緣沈觀濱李保中馬三顏錫俊高錫懷分隸沐陽海州贛榆等州

縣均手藝佃田度日向未不法犯案沈觀濱素有哮喘病證醫治

未痊光緒七年六月間在逃之錢正元與山東人王覺一偕至沈

奏稿卷六十一

觀濱家間坐談起病證錢正元聲言王覺一係古佛降生掌紋有

古佛二字用紅硃印在紙上送人可免災患見與末後一著教勸

人吃齋伊係王覺一徒弟凡有入教吃齋之人斷不生病等語沈

觀濱信從即拜錢正元為師王覺一當派沈觀濱為天恩名目錢

正元先後給與三師條兩紙學庸解一本三極圖一紙并口授諸

佛諸祖等句呪語沈觀濱當將書圖各件收藏因屋小未經懸挂

亦未給錢迨八年春間沈觀濱先後會遇見獲素識之李保中馬

三談及伊等各有病證沈觀濱均向告知王覺一傳教之事勸令

吃齋免災李保中等信從俱隨沈觀濱往拜錢正元為師入教亦

各給三師條一紙李保中等各出錢三四百文在錢正元家上供

沈觀濱續遇見獲之顏錫俊勸令吃齋顏錫俊亦即允從言俟見過王覺一再行拜師入教各散隨後顏錫俊向人查問俱稱并非正道顏錫俊悔悟復向沈觀濱言明開齋李保中圖賺上供錢文亦勸見獲之高錫懷吃齋高錫懷允從無錢付給旋亦悔悟開齋是年秋間不記月日王覺一至沈觀濱家閒談適李保中走至沈觀濱將王覺一指給李保中識認李保中即與王覺一叩頭相見王覺一聲音李保中應算地恩名目即教中一品眾生隨各走散迨後沈觀濱聞知王覺一有謀爲不軌情事心中畏懼慮被連累即向董事徐廣漢告知原委開齋出教自此即與錢正元等未經往來李保中馬三亦因傳聞逆謀各自畏懼避匿將三師條銷燬

奏稿卷六十一

奎

嗣經該道訪聞飭據各營縣先後將晏儒棟等拏獲解省審辦續據海州及淮揚鎮拏獲李保中等訊供由道親提擬辦據經劄調署海州知州丁葆元督同研訊據各供悉前情不諱詰止聽從拜師習教念誦不經呪語并非爲首興立邪教亦無預知逆謀及另犯爲匪不法別案再三究詰加以刑嚇矢口不移案無遁飾查例載傳習白陽白蓮八卦等邪教習念荒誕不經呪語拜師傳徒者爲從年未逾六十改發回城給大小伯克及力能管束之回子爲奴等語此案沈觀濱因聽逸犯錢正元誘勸信從逸犯王覺一所立末後一著邪教拜師習呪并勸李保中等吃齋雖一聞王覺一逆謀即向董事告知情同自首但先未到官具稟不足憑信李保

中馬三信從沈觀濱勸說入教同拜錢正元爲師習念呪語均屬  
爲從該犯等俱年未六十自應卽照白陽等邪教爲從例問擬沈  
觀濱李保中馬三均請照傳習白陽白蓮八卦等邪教習念荒誕  
不經呪語拜師傅徒者爲從年未逾六十改發回城給大小伯克  
及力能管束之回子爲奴仍照名例暫行監禁俟道路疏通再行  
發往顏錫俊高錫懷聽勸吃齋未經入教旋卽改悔尙知畏法應  
各酌擬杖一百枷號兩箇月遞籍枷示滿日折責交保管束僞書  
等件案結銷燬王覺一等飭拏獲日另結潘如松暫禁省監俟查  
訊明確分別咨部辦理是否允協除錄供招咨部外所有續獲傳  
習邪教匪徒訊明定擬緣由謹合詞恭摺具奏伏乞

奏稿卷六十一

奎

皇太后

皇上聖鑒敕部核覆施行謹 奏

軍機大臣奉

旨刑部議奏欽此

教匪救平籌辦保甲團練在事出力各員請 子獎敘摺

光緒九年十一月

月十一日

奏爲教匪救平民心安定并籌辦保甲團練著有成效謹將在事出力各員請予獎敘以勵勤勞恭摺具陳仰祈

聖鑒事竊本年二月間山東教匪句煽海沭一帶匪徒謀逆民心驚惶相率遷徙比經 臣 飛飭淮揚鎮總兵章合才署淮揚道徐文達等就近彈壓并派總理 臣 軍營務處知府李光久督率親軍兼程馳赴清江會商勦辦拏獲匪首晏儒棟等三犯訊供及擬籌辦善後各情形業經具摺先行馳奏自晏儒棟等被獲後餘匪驚散致誤三月初八起事之期然猶竄逸於安桃海沭間不數日仍復

奏稿卷六十一

畜

嘯聚章合才聞信卽於十七日馳赴安東桃源等處妥爲彈壓又聞沐陽屬之黃山一帶匪徒蠢動約十八日聚議將復舉事章合才正慮鞭長莫及適李光久於先日抵清江聞警卽督隊星夜前進是日大雨傾盆該匪等自謂得計方集議間忽官軍突至遂各震懾如鳥獸散沐陽之民一見大隊驟臨膽氣一壯遷徙之風頓止聞海州謠風尙熾民極驚惶李光久旋卽馳往該州路逢遷徙諸民剴切勸諭令其各自安居駐紮數日見其謠息民安始由板浦場大伊山各鎮耀兵以達安東而轉清江周歷各城鄉節節清查見居民良莠不齊謠風時息時起亟會商鎮道稟請 臣 創立保甲團練自後百姓自相護衛客匪無所容藏卽俵匪私梟亦均斂

迹自此以往如地方文武員弁能遵照善後章程海沭一帶自可久安長治矣此次該員等拏獲匪首匪徒等多名除晏儒棟等業經解省經臣劄發司道督同江甯府知府趙佑宸等反覆訊詰預知逆謀各情經臣提勘不諱晏儒棟一犯當卽恭請

王命明正典刑其餘各犯分別議擬辦理另摺具奏所有此案尤爲出力之頭品頂帶記名提督淮揚鎮總兵法福靈阿巴圖魯章合才署淮揚海道候補道徐文達均應請

旨交部從優議敘鹽運使銜補用道浙江候補知府兼襲三等男爵李光久擬請免補知府以道員畱於江蘇補用并

賞給清字勇號以示優獎三品銜卓異回任候升江甯府知府見署鹽巡道趙佑宸承審此案反覆推求毫無遁飾尤爲出力請在任以道員遇缺儘先請

旨簡放其餘在事出力人員可否由臣查明擇尤保獎數員出自天恩至地方文武官員如署海州知州丁棟元署海州參將田恩來等皆屬著有勞績俟奉到

諭旨擬一併奏請給獎所有酌保籌辦海沭教匪出力各員緣由理合專摺具奏伏乞

皇太后

皇上聖鑒訓示再此案係在本年六月初四日奉

旨部議新章之前合併聲明謹 奏

軍機大臣奉

旨知道了在事出力各員著俟匪首王覺一獲案後再行奏請恩施欽此

奏稿卷六十一

突

准北課釐擬暫免分攤全數提充復淮工用片光緒九年十一月二十四日

再洪湖每遇盛漲水勢直趨南運河淮揚數州縣城邑田廬刻有其魚之懼擬擇舊黃河淤墊之處開掘中泓引淮水入雲梯關循

獨行入海之舊經臣奏明欽奉

諭旨於民生大有關繫等因臣比飭署淮揚海道徐文達徐州道

程國熙會勘稟復前來臣定於明正月初旬即帶得力營哨各員弁

及熟諳水利人員親臨履勘大加興挑臣所部在甘肅新疆直隸

治水頗著成效竊以操刀不割是謂失時故擬交卸後仍畱三數

月力肩此舉庶幾保此億萬生靈仰慰我

朝廷仁育黔首之至意惟工段縣長需費甚鉅前督臣於導淮案

奏稿卷六十一

內奏撥五河正陽兩卡二成鹽釐隨撥隨支并無存款而前項大

工斷非二成鹽釐所能敷用查淮北課釐向分十成攤解以五成

解金陵四成解安徽一成解清江當時各處均有軍務是以按成

分撥藉充軍餉目前清江安徽軍務早竣近來賑務臣籌撥銀米

不遺餘力向本無分畛域值此復淮大工關係數省安危需款孔

殷不得不妥籌有著之項擬將淮北所收課釐自光緒十年正月

起暫免分攤全數提充復淮工用如安徽清江另有要工需用款

項臣仍當隨時酌量分撥以免顧此失彼除咨商安徽撫臣漕臣

外所有淮北課釐擬暫免分攤全數提充復淮工用緣由理合附片陳明伏乞

聖鑒敕部查考謹 奏

軍機大臣奉

旨該部知道欽此

奏稿卷六十一

奏

江陰勸建南菁書院動撥鹽票項下銀兩片

光緒九年十一月二十四日會銜

再臣前接江蘇學政黃體芳函稱江陰勸建經古書院名曰南菁仿詁經精舍之例專課通省經古惟經費不敷落成有待請撥款接濟并請籌常年膏火之資等因臣以學臣倡建書院係爲嘉惠士林起見用意深遠通省士子如願入院讀書就正經史之學概予收錄將來績學之士發名成業者必多黃體芳夙負文名劬學攻苦一時人望攸歸尤宜量爲欣助以慰士情臣比捐廉銀一千兩佐書院工料之費并札兩淮運司於庫存淮北票費項下提銀二萬兩解由學臣飭交江陰縣發商生息以爲每年膏火之資官爲經理年終結算申報學臣衙門仍移咨臣署備案以專責成而

奏稿卷六十一

堯

便稽考一面咨會凡有書局省分將局刻官書各備一部解發書院存儲俾學者得資繙閱除由該學臣會商妥定章程以垂久遠外理合將江陰勸建書院動撥鹽票項下銀兩緣由謹會同江蘇學政臣黃體芳附片陳明伏乞

聖鑒敕部查照謹 奏

軍機大臣奉

旨該部知道欽此

遵 旨布置海防并辦理漁團詳細情形摺

光緒九年十二月初七日會銜

奏爲遵

旨布置海防并辦理漁團詳細情形恭摺具陳仰祈

聖鑒事竊臣於光緒九年三月三十日具奏籌辦海防會商扼要

布置分催購製船礮一摺奉

旨覽奏均悉所陳籌辦海防情形爲未雨綢繆之計仍著該督隨時妥爲布置以期有備無患等因欽此又於六月二十七日具奏籌辦海口防務創設漁團精挑熟悉水性勇丁以資征防一摺奉旨覽奏已悉卽著左宗棠督飭邵友濂等覈實辦理務臻妥善期於實有神益毋致滋生弊端欽此跪聆之餘仰見

奏稿卷六十一

三

朝廷慎重海防實事求是之至意欽佩難名竊見江南各提鎮在事多年於防務素有講求值此時局方殷莫不感激憤發經臣三令五申羣情益奮臣於奉

旨後卽恭錄分別咨行各提鎮令將江海應備防具及如何層層布置如何操防如何克敵一切事宜務各直陳所見以備採用旋經各提鎮先後覆到復發交籌防局司道彙同悉心核議臣迺慎加決擇委係詢謀僉同確有把握者計其大要有三謹分別爲我

皇太后

皇上陳之一曰海防前敵事宜查江南海口若就其遠者大者言之崇明寶山實第一重門戶白茅沙則入江之門戶也崇明之銅

沙在吳淞口外東北至十激西南至大塔小塔均汪洋大海無險可憑應以吳淞口白茅沙兩處爲前敵要隘吳淞口係由海入江蘇松之門戶其關係與白茅沙同該處築有礮臺地當扼要已設巨礮十八尊其礮臺左向西北之海隄及距礮臺約十里之浦東黃家灣內龍王廟海隄臨時尙應抽撥兵船分守以爲之輔仍檄派大兵輪船駐於礮臺之對面敵船進口卽併力禦之再由江南提督李朝斌調集太湖水師分守各港汊一面選派陸營兵勇於寶山縣屬之羅店鎮紮兩營爲礮臺之聲援兼顧嘉定太倉一路於川沙廳屬之高行鎮紮兩營遏浦東黃家灣一帶敵人登岸之路於上海西門新涇市紮兩營以防敵船駛入黃浦襲我上海縣

奏稿卷六十一

十一

城此六營爲策應之師遇警卽往來策應如此則吳淞口一路腹地可無慮矣白茅沙洋面雖闊暗沙縱橫中泓狹而曲其南頭浮椿半里許之中應多設水雷魚網攔江龍等具再以龍驤等蚊船駐東邊無名沙脚水礮臺船駐於南岸沙夾專注中泓來路如敵船駛至南岸浮椿之處蚊船與水礮臺兩面攻擊以外海水師各船駐於蚊船之後各兵輪船又駐外海水師之後內洋水師各船則傍南岸沙脚駐泊是先有水雷魚網以阻之蚊船及水礮臺攻其前兵輪艇師繼其後若敵船退至海口我師卽繞北面出而尾追此布置海防前敵之大略也一日後路江防事宜長江礮臺自江陰起至下關止節節設防而江陰尤爲長江門戶圖山關次之

象山焦山又次之江陰南北岸礮臺共設巨礮四十九尊各臺俱  
扼形要海上有警由長江提督李成謀抽調提瓜兩標師船親領  
前隊馳抵防守再於湖口岳漢三標抽調戰船分隊密布如前敵  
白茅沙有警亦可相機接應兼之江中安設水雷與礮臺相輔以  
逸待勞更有圖山關象山焦山礮臺以爲後勁形勢周密壁壘森  
然其烏龍山下關礮臺近在堂奧仍照常駐守以定民心水陸各  
軍之全力則專以江陰白茅沙爲重此布置後路江防卽以策應  
海防前敵之大略也一日戰陣防守事宜兩軍相見出奇制勝變  
化無窮固未容膠柱鼓瑟而誤敵待敵各事亦有不可不預定者  
查吳淞出口東行約四五百里南向之小紅塔大黑塔及銅沙等

奏稿卷六十一

三

處均有淺沙洋人設有燈船浮筒爲表識又東南之大七山白節  
山正東之花鳥山正北之佘山該四處均有暗礁輪船夜行亦於  
山上然燈以便趨避一遇外國兵輪闖入先將各處燈船燈竿浮  
筒撤去次將白茅沙一帶浮筒移去敵船便迷於所往不敢徑趨  
吳淞以犯白茅沙乘其疑慮卻顧之際師船乃得齊集環擊或載  
石沈船以阻船路或載薪縱火以焚敵艘隨時制敵諸策皆可相  
機應之近復催調福建船政局新製之開濟兵船直隸雷防之登  
瀛洲兵輪船來江南經臣會同司道勘驗均極堅利精緻士氣甚  
揚擬以開濟泊江陰備長江提督操練調遣登瀛洲泊崇明海口  
備江南提督福山鎮操練調遣屆時臣親臨前敵督同指揮自然

確有把握江南防務既固更可應南北兩洋急需一旦聞警星馳斷無緩不濟急之患見與各提鎮文武詢謀僉同并預籌備餉需以待號令既壹人心自齊船械又精取攜更便此布置戰陣防守之大略也計目下所亟應舉辦者一須就白茅沙按月會操兵輪蚊船及外海內洋各師船期水務操務益臻熟練見定期每月二十八日江南提督會同蘇狼福三鎮督率較閱一面將白茅沙小夾南岸之全涇口挖深丈餘長里許寬五六丈以備平時收泊水礮臺等船之用由狼福二鎮剋期舉辦又圖山關東生洲天湫洲一帶礮隄已有礮位一百餘尊分別安置雖係土礮而子路尙遠此外仍多可用之礮見并由瓜洲鎮分飭各營汛四處搜羅隨時

奏稿卷六十一

三

清出移設江岸蘆灘及夾江兩岸以補礮臺之不逮凡此者皆先事不忘戰以備臨事之一戰幸而可以不戰而我可戰之具自在將來江海設防如水道無甚變遷決不能別議增減變易謹俟明正初旬臣閱視操防畢事再爲詳陳其漁團事體紛繁地段縣遠臣復添派蘇松鎮總兵滕嗣林爲會辦江蘇候補道陳鳴志爲督查該二員皆熟習情形據邵友濂劉光才等稟報已於七月初六日在吳淞設立總局一面遴派委員分赴各廳州縣會同地方官各就該處情形因地制宜商酌妥辦約計其要亦有數端一曰頒示諭漁船散處各埠頭先期佈告俾知此舉衛民而非以擾民報名入冊亦可免胥吏阻闔誑騙之弊一曰清戶口漁戶以船爲家

凡船隻數目尺寸以及船中婦孺人口名數查明入冊無稍遺漏以年力精壯者充作團丁技藝高强者挑作練勇將來撥作兵輪船水勇以期駕輕就熟其餘編爲保甲奸宄無從匿迹卽海盜之源亦清一曰立團所每縣設團一所惟崇明人船數多設團兩處遴選曉事正紳爲團總團佐別挑技藝純熟者一二人爲教習以教團丁一曰定操期每船人數報齊於百人中挑選二三十人充當團丁每十名爲一牌牌有長五十名爲一甲甲有長按月初二十六兩日赴局應操按期給錢以資日食操畢卽日回船各安生業一曰明賞罰漁人中有材武出眾及善於鳧水伏水超躍猱升諸技者隨材錄用其報名入冊發給門牌等費不攤派漁戶分文

奏稿卷六十一

書

有需索陋規使費者許其指稟立懲若各漁船有容匿匪類徇庇匪船各情查出一體嚴辦一曰給軍械每船給領刀矛軍械金鼓旂幟號衣各件各有定數責成團總具領收發操畢仍行繳存毋許私攜出海此外未盡事宜仍由該員等隨時商辦稟候核定總當斟酌盡善推行盡利期副我

皇上保大綏邊之至意至薪水口糧操費局用以及各項用款并

由臣察酌情形分飭各司道局庫通力合撥應請

旨准其作正開銷以便造報據各廳州縣先後造送該各漁船清冊其船有挑船網船舢板船鷓鴣船商漁船小漁船及內河外海各漁船之分名目不一種類繁多非清楚收羅於平日難期得力

於臨時幸各處紳民咸以漁團爲足補海防之闕僉謂辦成以後於防務地方均屬大有裨益臣乃益知此舉之不可以已矣蓋海口民情雖悍而馴樸之氣未漓辦團選勇二者并行不悖但得官紳一氣印委盡心事無不成且可久見在所派文武各員或籌任款項或議立章程承辦者奔走風日之中與地方官實力編查和衷共濟臣隨時明白指示應舉行者不肯稍掣其肘應節省者不令稍越其程分手奏功頗有條理惟是人情以有所勸而動以無所感而墮該漁戶等皆生長水濱自食其力一旦勒以兵法自非當場獎勵不足以堅其尊君親上之心臣於九月十九日出省閱看所有校閱情形業於十月十七日恭摺馳奏在案見在據報劉光才所招漁團水勇一營業經成軍臣前在吳淞口曾經閱過續募者亦皆精悍殊常足備水師之用計此軍成海防之氣益壯矣所有遵

奏稿卷六十一

壹

旨布置海防及辦理漁團詳細各情形理合會同漕運總督臣楊昌濬江蘇巡撫臣衛榮光長江提督臣李成謀江南提督臣李朝斌恭摺具奏伏乞

皇太后

皇上聖鑒訓示謹 奏

軍機大臣奉

旨覽奏均悉仍著該督隨時酌度情形將防務妥爲籌辦并將漁

團事宜督飭屬員核實經理餘依議該部知道欽此

奏稿卷六十一

美

閩省船政局造船玩延諱飾請

旨申飭摺

光緒九年十月初七日

奏爲閩省船政局製造巡海快船任意玩延船政大臣有意諱飾請

旨申飭以儆將來恭摺仰祈

聖鑒事竊查閩省船政局製造巡海快船自光緒七年九月內開工八年十二月下水命名開濟各情形業經前任船政大臣黎兆棠會奏在案自十二月初三船身告成下水裝配機器一切約計五箇月本可試洋是本年四五月間即可駛至南洋聽候調遣當籌辦海防緊要需船佈置之際疊次嚴催乃一味遲延迨至九月二十二日始據報啟行遲至十一月初十日始行抵上海吳淞口

奏稿卷六十一

七

臣飭令駕駛來江甯親臨驗看船身機器一切堅實惟據管駕該船都司何心川稟稱九月二十三日由虎門趁潮出洋夜間駛近北礮洋面忽遇颶風抽水機器竟不合用致水積艙中激翻鐵板礙及輪機不能旋轉幸極力保護無恙急用側帆收泊北礮一連三晝夜設法抽水至二十七日不得已駛回工次據情稟請改製船政憲將稟發還飭卽換具遭風稟報都司祇求製造完固不得不遵嗣將抽水機改製工畢試驗又不合用竊念輪船爲禦侮之備製造駕駛貴求其精工程處繪圖定式分飭各廠製造原估該船下水後五閱月可以葺工繼又展至八月內告竣迨九月間先後試洋三次首二兩次駛至館頭內港末次駛至媽祖內洋風平

浪靜機器有無瑕疵不能立見試洋後工猶未竣其應需之海圖羅經及備用之輪機要件或採辦尙未到工或應造并不趕製諸見附會乃工程處學生吳德章李壽田等弗顧大局徑請船政憲具奏嚴飭開船儼如居賈者以劣貨售人一出門則眞贗皆弗顧故一經風浪百病叢生該船費

國家數十萬帑金豈容兒戲如謂管駕不慎則帆桅必有傷損機器必有損壞而駛回工次船政憲委員查驗并無損壞原定喫水一丈七尺茲驗喫水一丈九尺行駛里數原定每時可行百里今茲試洋祇能行九十餘里該工程處捏稱英海里與法海里不同其實英法海里原無二致實屬有意欺朦其餘輪機應製備用各

奏稿卷六十一

夫

件開單稟請製備乃該工程處稱轉輪臂及大件者三船祇備一副查備用之件原備洋次遇險急救之需若三船祇備一副不知應存何船舉此數端皆係有案可稽其餘誠難枚舉至原估經費三十三萬兩見聞將及四十萬兩經費不爲不寬製造應如何精益求精俾成一船得一船之用稟請核辦前來臣維海上有警藉巨艦以防海口而壯聲威乃自夏徂秋法越交兵遠人虛聲恫喝臣疊次咨催該局任意玩延已屬不知緩急而甫經試洋偶遇風浪抽水機器即不合用行駛不前該局人員及承造學生李壽田等何能辭咎雖因快船較之尋常兵船有閒然臣昔年奏設船政局原爲自強之計具有深意該局學生等蒙

國家豢養作育多年應如何虛心講究以期精益求精庶不負  
國家重費帑項創設船政之至意聞近年該局員匠愈趨愈下製  
造學生之驕肆監工之不力均不似昔年規模悉聽之餘曷勝憮  
懣昨新任船政大臣何如璋過甯已爲面商一切該局尙有承造  
之快船兩艘未成似此泄沓從事殊負設立船政初心相應請  
旨將新任船政大臣何如璋督飭提調破除情面切實整頓各員  
敕下新任船政大臣何如璋督飭提調破除情面切實整頓各員  
紳學生監工人等如果實心任事出力者從優保獎其意存諉謝  
并捏造語言欺飾者概予革退毋許濫竽僨事庶幾人知勸懲日  
起有功以期仰副

奏稿卷六十一

堯

朝廷設立船政之至意是否有當謹專摺具陳伏乞

皇太后

皇上聖鑒訓示施行謹 奏

軍機大臣奉

旨另有旨欽此

遵 旨籌撥廣西軍火并籌解王德榜軍餉摺

光緒九年十月初七日

奏爲遵

旨酌撥廣西軍火并籌解王德榜軍餉情形恭摺馳陳仰祈

聖鑒事竊臣於光緒九年十月二十一日承准軍機大臣密寄十月十四日奉

上諭倪文蔚奏西省軍火局器械已撥解關外無餘聞王德榜募勇赴援越南見在湖南永州府聽候諭旨所帶軍火器械皆極精利請敕就近撥解俾應急需等語著左宗棠卽將此項軍火迅速撥解關外由倪文蔚派員提解以資前敵應用王德榜所需軍火等項仍著左宗棠源源接濟毋令缺乏欽此昨復欽奉十一月十

奏稿卷六十一

平

九日

上諭前有旨諭左宗棠飭令王德榜帶所募勇營前往廣西關外歸徐延旭節制該藩司募勇若干營已否成軍著該大臣飭催迅速赴防并多帶外洋軍火以資利用一面詳細奏聞等因欽此查本年五月間臣因雲貴廣西辦理邊防非代籌軍火以應急需卽添募營勇徒手不足以應敵并一面奏明請

旨擬由前福建藩司王德榜募勇數營以赴越南之急卽於該藩司假回永州之便劄令籌防局撥發水雷二十四具棉花火藥一千磅棉花信子火藥一百磅洋火箭一百枝兩磅熟鐵後膛過山礮十尊開花彈六百箇銅管拉火一萬七千枝馬梯呢步槍二百

杆彈子二十萬顆溫者斯得十七響洋槍二百杆彈子二十萬顆  
大銅火二百萬顆細洋槍藥三萬五千磅燕非來福洋槍五千杆  
鉛子一萬斤六門手洋槍二百五十杆彈子一萬九千一百七十  
六顆四門神機礮六尊自來火子二萬顆七條鐵綫包麻電綫二  
英里銅絲包膠電綫二英里以上各件均配齊架具及修理槍礮  
等項各器具另由金陵機器局派撥演放水雷工匠四名演放火  
箭兼修理槍礮工匠二名并飭籌防局酌發運解軍火川資湘平  
銀三千兩均交該藩司於七月初一日由甯乘坐輪船起程運至  
岳州換船帶赴廣西省城存儲備撥適接奉此次

諭旨臣即飛飭該藩司遵照將所帶各件酌撥一半解交廣西撫  
臣以應該省急需酌留一半自用此次起解在先事機尙爲湊手  
足以仰慰

宸廑惟該藩司遵

旨募營應需軍火爲數不少經西省分撥一半所餘者自難敷用  
臣見又飭局趕緊照數再發一半委解該藩司應用以副源源接  
濟無令缺乏之

諭其王德榜會否成軍一節查臣前因越事緊急擬請由該藩司  
招募廣勇數營駐紮滇粵邊界并在廣東捐輸濟餉因一面奏明  
請

旨一面即飭該藩司於帶解軍火之便就地先期部署王德榜到

籍後宣示舊部均踴躍遵行嗣經奉到

批諭所籌募營籌款各節著聽候諭旨遵行等因欽此復經該藩司飭令各舊部將弁暫仍緩待

朝命前次九月三十日

上諭適廣西撫臣倪文蔚先經恭錄轉行遵照王德榜以滇粵兩路援軍每路各二十餘營應由該藩司募成十營隨帶征防方期獨當一路惟楚勇與粵勇各有所長楚勇隊伍整齊恪遵號令粵勇則性情剽悍負氣爭勝勇敢有餘而紀律不及楚勇之嚴肅第粵勇好勝之心每懼相形見絀若與楚勇參錯并用共事一方相觀而善其營規當不亞於楚勇該藩司於楚粵弁丁性情才力知

奏稿卷六十一

全

之有素適滇黔各軍赴粵粵勇慣戰者多招致隨行而王德榜擬招之弁丁多已應募前行應早爲改圖以便應手因擬招募楚勇七八營粵勇二三營合成十營之數又先後請調臣營差官大旂記名提督楊文彪記名總兵陳厚順副將譚家振遊擊龍定太楊肇俊等多員赴營以收指臂之效臣以其所議確有所見亟應變通辦理且所擬十營與臣原定八營之數所增非多准與照辦名曰恪靖定邊軍以資號召一面於臣親軍差官大旂內遴選忠勤勇敢久經戰陣者三四十員飭令卽日成行發交差遣緣江南防務同屬緊要幸臣所部儲材尙多自應斟酌情形先其所急惟是行軍以餉項爲先見在立營之始所需尤爲繁鉅臣原摺內業經

聲明餉需一切徒資兩江接濟搜索已頻萬無以應是以有擬請在粵籌辦捐輸之舉見雖由臣兩次籌撥銀六萬兩計懸軍深入迅赴戎機勢難稍有停待續據王德榜來稟各弁勇靜候日久成軍尙易其置辦旂幟號衣釜甌零星物件就永州採辦價亦不昂惟急需招募經費刻難速到暫就本地挪項製備亦須填還此項請由江南解給十營寬大帳棚以利栖止臣以長途水陸解運深慮未能剋期解到且飭藩司梁肇煌撥解實銀三千兩俾得就近製辦以期妥速惟成軍以後每月十營應發餉項繁鉅且該藩司挪借之款不日又須歸還是籌餉尤爲當務之亟伏念此軍由臣創議幸荷

奏稿卷六十一

三

聖明鑒允施行并奉

諭旨所需餉項若待廣東捐輸緩不濟急著左宗棠豫爲籌定仍由江南極力籌撥俾無缺乏等因欽此臣建議之初衷但力足挹注該軍豈敢稍存膜視惟兩江見有應辦之防務有應發之餉項非通盤籌畫彼此兼顧貽誤堪虞且與該軍相距太遠餉需一切自難應念而來而軍機所繫軍情所關實有刻不容待之勢康國器等亟盼臣軍赴粵力任籌餉實亦相需正殷合無仰懇天恩俯准照臣前請由前廣西藩司康國器在廣東開辦虛銜項

帶

封典捐輸以期接續湊手臣已咨商廣東督撫臣查照將來康國

器等餉路疏通卽由廣東督撫<sub>臣</sub>提撥以備粵省局應用是以粵餉辦粵事固可無分畛域也相應請

旨敕下該督撫<sub>臣</sub>督飭康國器從速設局開辦俾得早日集事一面

敕部刻日頒發章程執照以資遵照大局幸甚仍由<sub>臣</sub>飛飭王德榜懷遵

諭旨成軍迅速赴防上副

朝廷慎重邊陲之至意除俟該藩司具報成軍赴防日期再行馳奏外理合將遵

旨酌撥廣西軍火并籌措王德榜軍餉情形恭摺由驛五百里馳

奏稿卷六十一

六

陳伏乞

皇太后

皇上聖鑒訓示施行謹 奏

軍機大臣奉

旨另有旨欽此

驗收水利工程及接續飭辦各情形摺

光緒九年十月初七日

奏為驗收水利工程及接續飭辦各情形恭摺具陳仰祈

聖鑒事竊臣 勘閱朱家山赤山湖水利於光緒九年三月初四日

恭摺具奏奉

旨知道了欽此欽遵在案查江南見辦水利工程以朱家山赤山湖工程最為繁鉅朱家山區分上中下三段中下兩段石工經前福建藩司王德榜督率熟手勇丁如法轟鑿大致告竣因今歲江水浩大難於施工入秋後潮水漸消飭令竭力營作經按營派分段落先挑濬陳家橋一段該處原辦者為恪靖正中副中正後三營巡緝一營慶字中左右三營新湘中營禮字一營惟地段縣長

奏稿卷六十一

全

工程繁重非添營助力不能速觀厥成復檄派仁營夏營佐之嗣因秋間疾疫流行營勇染病者多工程不能如限又准每營各加募勇夫百數十名照民夫發給工值幫同工作復察酌情形將新湘中營禮營與承辦通濟金川門水利工程之慶字中後營互相對調各專責成藉收分起呈功之效赤山湖已竣之工計長二十里有餘均一律挑濬深通圩隄加高培寬捶築堅固沿埂栽種桑秧以護隄而興利其下游之三汊河業經開竣再行接挑秦淮河道以暢其流此外揚屬運河前經飭辦之永安汛所屬之馬棚灣甘江汛所屬之馬家直兩處西隄暨寶應汜水永安高郵甘江五汛東隄擇修段落以及高家塢民圩等項土埽碎石各工於四月

二十一日一律完竣經臣於五月間派委江蘇候補道陳鳴志前往驗收均屬尺寸充餘工程堅實本年伏秋大汛水勢長至一丈六尺四寸始以次啟放車邏南關等壩俾裏下河農田得獲豐收農民相慶惟盛漲銷退甚遲巨浪拍岸盈隄窳潮浸越所在皆有仍應隨時搶護臣復飭隄工局逐細查勘一律加高培厚幸保無虞差堪上慰

宸廑所有驗收水利工程及接續飭辦各情形理合恭摺具陳伏

乞

皇太后

皇上聖鑒訓示再復淮入海故道前任各督臣極意經營均以經

奏稿卷六十一

三

費無出中止臣欽奉

諭旨所陳擬辦江南水利亦於民生大有關繫等因仰見

宸懷念切民依無微弗喻尤不敢不勉惟見在雲梯關以上情形如何雲梯關以下應挑之工測量地勢北高於南究有若干丈尺應如何逐漸開通自宜預先確切勘明分段次第程功俟明年春初水落潮枯時親督統領營哨各勇丁及時修治并就地挑集民夫隨同工作以工代賑見飭徐州道程國熙署淮揚海道徐文達會勘稟辦合併陳明謹 奏

軍機大臣奉

旨知道了欽此

